


K24498
2



১৯৫৩

স্বপ্নসংক্রান্ত কবিতা

স্বপ্নসংক্রান্ত কবিতা

№ 575


821.353.1-1

ს 139

საბჭოთა

რეკრეა


მხატვრული კრებული



~~К 16023
2~~

К 24498
2

აჭარის სახელმწიფო გამომცემლობა
ГОСИЗДАТ АДЖАРИИ
1936



10-01




СОВЕТСКАЯ АДЖАРИЯ

ХУДОЖЕСТВЕННЫЙ СБОРНИК

რედაქტორი { დ. ლუმბაძე
ლიტრედაქტორი

კორექტორი გ. შვანგირაძე
ყდა მხატვარ ს. თეთრაძის
მთავლიტის რწმუნებული № 36
დაკვეთის № 731
ტირაჟი 2000

აჭარის სახელგამის სტამბა-ლით. ლიუქსემბურგის ქ. № 22





საბჭოთა აქარის მშრთმელ სალსს,
 რთმელმაც წარსულში მრავალი ცანჯვა
 და ვაქა გადიცანა,

სალსს, რთმლისსათვის დღისითაც ვა
 მნელთდა

და თავისი ქვეყნის გრად იყო გამოცსა-
 დებული —

დღეს — საბჭოთა ქვეყნის უმედიერეს
 მვილუმს, სცალინური მზრუნველობის სსი-
 ვებით გამთმართ, გამარჯვებულთ, რთმ-
 ლუმიც 15 წლის მანბილზე ლინინ-სცა-
 ლინის დიადი პარციის სელმბლვანულთ-
 მით იმრბვიან სოციალიზმისათვის, —
 უბღვნიან ამ ვრებულს საბჭოთა მწრლუმი.



ოცნება აჭარისწყალთან

ისე ვერ იგრძნო ძველმა ეშმაკმა,
ვერც ძველმა ღმერთმა იმ ელვის ძალი,
თუ რა სისწრაფეს გამოლმა-გაღმა
ამოძრავებდა აჭარისწყალი.

ახმაურება მისი იმ ღამის
ათასი ქარის იყო ხმაური,
ძლიერი ქარი კოლხიდის შლამის—
მსუბუქი ქარი მახინჯაურის.

და აყრუებდა ტყეს ძალისძალოთ
ვით უეცარი სიტკბო და ელდა
მრგებელი ქარი ატეხილ ჭალად
და მავნე ქარი ლაქაშის ველთა.

იყო თანაბარ აფრენა ქორის...
უახლოვდება კარებს თანისთან
გრიგალი ქარი ტრიალ სამგორის,
ალერსის ქარი ლაზისტანიდან.

თავაწყვეტილი ვეფხვი, რომელიც
ვერ იგრძნობს რაა ჯაჭვი და რკალი,
ადიდებული, დაუდგრომელი
ეშურებოდა აჭარისწყალიც.

ხიდეებს, სახლებს, მწყემსთა სადგურებს,
ტყეებს და ველებს, ადგილებს მზიანს
მდინარე ანგრევს და ანადგურებს,
ანგრევს ყველაფერს და მიაქვს, მიაქვს.

გამოწვეული დაბურულ ტყიდან
ინდუსტრიალურ „ყაჩაღთა“ სტენით
ის უცებ შედგა... დასაბამიდან
პირველად შედგა ბრაზით და წყენით.

შეხედეთ! მიმქროლს სხვა ბედის ეტლით
რა დაბრკოლებას შეხვდება სამტროს.

შესაყენებლად ამართულ კედლით
სურს გადაეშვას და აი, ამ დროს—

თითქო ვიღაცას სურს გადაუდოს
გიგანტიური ფოლადის ხმალი
და უვონობით ქანებაში ხმალს
ტანით შეაქრას აქარისწყალი.

შეხედეთ: სისხლი! წყლული, იარა
ჰაერში როგორ იშლება ალის,
მაგრამ ეს შუქი სისხლი კი არა—
ცისარტყელაა ჰიდროცენტრალის.

იგი აშუქებს ქარსა და ნიავს...
აქარისწყალის ელვარე ბედი
მას შემდეგ მიდის, მიდის და მიაქვს
ახალი დროის შარავანდედი.

სხვაგვარ ვარდის და იის საკრეფად
გველიან წყალნი აქარისანი,
გმირებს ეძახის თავშესაკრებად
სოციალისტურ დღეთა მიზანი.

სალამო ჩაის ჭალებში

შეხედე, როგორ არის ჩასკვნილი
ამ მთების ჩრდილი და ჩაის ჭალა.
ჩამავალ მზეთა უკანასკნელი
და აღისფერი გზა ჩაიშალა.

დღეს ჩემი გული ჰგავს ისეთ მაისს,
რომელს მიჰყვება მილიარდები:
სიმღერა ჩაის, ბუჩქები ჩაის
და უყვითლესი ჩაის ვარდები.

მუსხაგვილი მიხეილ

ჩიხეთის კოლმეურნეებს

როცა გიცქერით აღტაცებით კაჟდება გული;
სალამი სოფლებს, რომ თქვენში მრავლად არის ბრიგადა, რაზმი,
რომ აგილიათ ჩვენი ეპოქის ჩქარი ტემპები —
და იბრძვით მედგრად, ხალისით და ენტუზიაზმით.

თქვენს გულს სიცოცხლე ახლა სხვაგვარ ხალისში ახვევს,
რადგან ბრძოლებში დიდი არის მიღწევა სოფლის,
დღეს კოლექტივში მშრომელი ხართ ყველა ერთგულად,
ბეგებს არ მიაქვს დღევანდელი თქვენი ნაოფლი...

როცა ბუნებაც კი ატარებს დღეს ახალ აზრებს,
ვის გულს დააბამს ძველებური შური და სისხლი,
გაღმა მღერიან ბრიგადირები შრომის სიმღერას,
მზეს დაუჭრია თავის სხივებით ჩამდგარი ნისლი.

როცა მოვდივარ კოლმეურნევ, შრომაში შენთან
მინდა გადმოგცე სიხარულის ამთაგორება,
დღეს ამ გორებზეც გაბედული კვალი გადადის,
აქ თამბაქოთა ტყე წარმოშვას უნდა გორებმაც.

თუ წინათ გმირი შეიქმნებოდა ხმალით და თოფით,
და სახელისთვის საჭირო იყო მხეცური შებმა,
დღეს სხვაგვარია ბრძოლის მეთოდი; უნდა ვიცოდეთ:
დღეს გმირობისთვის საჭიროა დაიპყრო გეგმა.

წითელ დაფაზე იწერება მისი სახელი,
ვინც მებრძოლია, თესვის გეგმებს გადააქარბებს,
აბა სად წავა უარესი მასზედ სირცხვილი,
როცა დაფის წინ გაბედულად ვერ გახსნი წარბებს.

ქალიშვილი

ქ ა რ ი შ ხ ა ლ ი

I

ჩვენი საუკუნის პირველ ზამთარს,
პირველ ყინვას და პირველ ქარიშხალს
აჯანყებული შეხვდა შავი ზღვა
და ხომალდები ფსკერზე ჩასძირა!

ჩვენი საუკუნის პირველ ლანქებს
და გაზაფხულის წვიმიან დღეებს,
შავი ღრუბლები დასული ზღვამდე
და მდინარენი ქუხილით შეხვდენ.—

პირველ გაზაფხულს და პირველ ცვარნამს
და ფრინველების პირველ მოძახილს,
ზღვაში შემოჭრილ შავ მთა პერანგას
მკერდშემონგრეულს ზღვასთან ბრძოლაში,—

ქარით აშლილ და გადმოყრილ ღრუბლებს
და ხომალდების პირველ რეისებს
ერთი წუთითაც არ დაუყუჩა
და როგორც მტერი, როგორც მოსისხლე—

აჯანყებული შეხვდა შავი ზღვა!
არ დაცხრა, ერთი წუთით არ მოლბა,
რადგან პერანგას ვიწრო ბილიკით
ქარიშხალივით მოიჭრა კობა!

II

იყოს საღამო მყუდრო და მშვიდი,
მშვიდათ გასცილდეს ნაპირს მენავე,—
კახაბერს გულზე დააწვეს ნისლი
(პერანგას ველარ შემოხედავენ),—
თუნდ ქარიშხალი ჩავიდეს ზღვაში
და ცხვრების ფარა არეკოს ზღვაზე!
ეფინოს ნისლი მთასა და ბარში,
ან შეიღრუბლოს ქვეყანა ცამდე,—



ნაზიმ ხალვაში—მისეული აქარელი.

ითოვოს, სუსხოს, ყინვა გააკრას,
სავალი გზები წალეკოს ზეაჟმა..
მანც ამოვა მზე პერანგადან
და სალამითი შავ ზღვაში ჩავა!

მანც იტყვიან—წავიდა ეს დღე,
შემოაღამდა მღელვარე ზღვაში,—
კალენდარს ფურცელს ჩამოახევენ
და კალენდარიც ახალ დღეს გაშლის...

გაშლის ახალ დღეს და ახალ ავდარს,
ახალი ჯანყი მოაქვს ახალ დღეს!
გუშინწინდელი გუშინდელს არ გავს,
შარშანწინდელი კიდევ შარშანდელს...

ქარი ხომ მანც გადმოვა მთიდან
და ააჯანყებს ზღვასა და ხმელეთს,—
ცისკარი არი, თუ შეიბინდა,
რომ მოიქანცო შენ მანც შესძელ:

ნახო ეს რისხვა, ეს ქარიშხალი,
ეს მღელვარება ჩასული ზღვაში—
ის ყველგან ცხოვრობს, ის ყველგან არი
და ყველგან ნახავ კობა ჯულაშვილს...

III

ცხრაასორ წელში თებერვლის სუსხმა
შემოიკრიბა ძალა გმირობის,
ააწრიალა ეს მუდამ ყუჩად
მყოფი და თბილი სანაპირონი.

ღვლავდა ზღვა და მთებზე ქარბუქმა
შემოაღეწა ხეებს ტოტები,—
აახმაურა ორთაბათომი,
ძანსულის წყნარი მაღაროები!

წვიმდა ოცი დღე და ლანქერებით
სულ წალეკილი იყო შარები—
და ღრიალებდა სხვა გახელებით
სიდერიდისი და მანთაშევი...

და ის ოცი დღე, ის ნამეხარი,
ის ნიაღვრების, ქარის ოცი დღე,
რომ წრიალებდა მთელი ბოლაზი
და ხომალდები ნაპირს მოსცილდენ,—

როს წყალდიდობამ ზღვაც ააწაღლა
და მთების გული ზღვაში ჩარეცხა,—
შენ მიაშურე მაშინ კაპლანას,
სიდერიდისთან და მანთაშევთან —

სხვაგვარად წვიმდა, სხვაგვარად ქუხდა
და ნიაღვარიც იყო სხვაგვარი...
რადგან ეს მხარე სულ მუდამ ყუჩად
იყო და ახლა დადგა ზამთარი!

IV

მზეს ჩვეულებრივ შემოალამდა,
არ ქროდა ქარი და ისე წვიმდა,—
ზღვა ხმაურობდა, მაგრამ არ ჩანდა
(ამღვრეულია იგი, თუ წმინდა).—

და ვინ გაივლის ამ ღამით გზაზე,
ამ დაწყვეტილ და ნამეხარ დარში?
აი, მოვიდენ და აილანდენ
და იპარავენ საკუთარ ნაბიჯს!—

წვიმასთან ერთად გახშირდა ლანდი
და შეძახილი ქარხნების კართან,—
როგორც ღრუბელი შავი ნაბადი
გადაიფარა კობამ და არ ჩანს...

V

მან დაარხია ხმა და უმაღვე
საფლავის ქვებზე ჩამოჯდა ხალხი
და მისი სიტყვა ხალხის გულამდე
დასული, თითონ იწვევდა ძახილს

გულში!.. და სიტყვა სხვას აღარ უთქვამს
(ახედენ ცას და ღრუბლებს აშლილს),—
ქონდათ ჭადილი საკუთარ გულთან,
პირველად მიხედენ რა იყო «კლასი...»

ან რატომ ჰქვია მილაროს ძანსულ,
ანდა ქარხანას სიდერიდისი,
ანდა ხომალდებს შავ ზღვაში გასულს
ვინ შეუცვალა გზა და რეისი,—

ვინ დაარბია ქედაში ჯანყო,
ან რატომ ხდიან ქედელებს მორჩილს!—
—რომ დამნაშავე ყოფილა კლასი,
მოვაჰყრე მათი სისხლით და ხორციით...

ტყე, მდინარე და ხევი მორჩილად
გახადენ, არ ჩანს ნაყოფი მისი,—
და დამნაშავე კლასი ყოფილა
მოვაჰყრე მათი ხორციით და სისხლით!

კლასი! ეგ სიტყვა ურჩი და მტკიცე,
ეგ ამბოხი და მეგრძოლი სიტყვა,—
აჭარის მთების ღრუბლიან ცის ქვეშ
პირველად გაჩნდა, პირველად ითქვა;

ითქვა და როგორ, რა სიძლიერით,
რა ამბოხი და მღელვარი ძალით!
რომ ჩვენი კლასი არის მშვიერი
და დამნაშავე არისო კლასი...

ამართენ თვალი ღრუბლიან ცამდე
და სიტყვა კლასი კიოდა ყურთან...
წაძოიშაღენ, კვლავ აიღანდენ
და იპარავენ ნაბიჯს საკუთარს!..

კობა ზღვის ღელვას უსმენდა ერთხანს
და მღელვარი ზღვა მას გულში ედგა!..

VI

შემოითენა მზემ და დილიდან
შავი ღრუბლები შავ ზღვამ აშალა,—
ჩავიდა მზე და შემოიბინდა
ისე, ხმელეთი ვერ შეამშრალა...

შემოითენა მზემ და დილიდან
ზღვასა და ხმელეთს უნდა უყუროს,
მაგრამ ღრუბელი ვერ მოიწმინდა,
როტშილდიც შეხვდა მას უხმაურო!

არ ღრიალებდა, როგორც გუშინწინ,
ან ათი დღის და ოცი დღის წინათ,—
მართალი არი დღელამე წვიმს,
მაგრამ ოცი დღის წინათაც წვიმდა...

შემოეცალათ დაზგებს მარჯვენა
და შიში იდგა კედლების შიგნით,—
გაოცდენ, შეკრთენ და დარაჯებმა
და დარაჯებმაც დასტოვეს იგი!

შავი ღრუბლები აშალა შავ ზღვამ
და გაზეთები ყვიროდენ ხალხში:—
აუჯანყებია ეს მუდამ წყნარად
და ყუჩად მყოფი მხარე ჯულაშვილს!..

VII

უეცრივ კაბინი გაიღო,
ესროლეთ!—თქვა ეს მან თამამად,—
—ოცია! რა მოხდა, რა იყო!
ესროლეთ და საქმე გათავდა!

ზღვა იყო შრიალა და ლურჯი
და გემი ნაპირს რო მოსცილდა
(ის მთელი სისწრაფით გაუშვით),
მოგვესმა: დახვრიტეთ! ოცია...

გემი მიიწევდა სულ წინ
და გული ველურად აინთენ!
თვალეებში ჩაუდგათ სისხლი
და მაინც ესროლენ, დახვრიტენ...

ცა იყო ლურჯი და ზღვაც ისე,
ნაპირს რო მოადგენ, თამამად,
ერთმა თქვა: ვესროლეთ, დაეხვრიტეთ,
დაეხვრიტეთ, მორჩა და გათავდა!..

ტალღაზე მრისხანე მზე იწვა,
ზღვამ სისხლი ნაპირზე გარიყა,—
ნაპირმა სისხლი არ შეისვა
და თითქო გიმზერდა პატიმარს...

VIII

რამდენი სუსხი, ჯანყი წავიდა,
დგებარ შუაგულ ხალხში კლდესავით,—
შენი აზრივით ღრმია შავი ზღვა
და ღელვა მისი მძლავრი შენსავით!

რამდენი სუსხი და ჯანყი იყო
ზღვასავით ღრმა და ზღვასავით ვრცელი!—
გადაფურცლონ და კვლავ წაიკითხონ
შენი წარსულის ერთი ფურცელი...

აჭარული პეიზაჟი

I

თუნდ იყოს ქარი და თუნდა წვიმდეს,
დალაგდეს მთაზე ღრუბელი შავი,—
მიჰქუხს, მიირეცხს ლოდებს, ნაპირებს
სუფთა წინწყლება აჭარისწყალი!

დარად გათენდეს, ორთქლად აიტანს
ცვარნამს მზე, შემდეგ შეიშროს ტანი,—
მიჰქუხს, მიიხვეტს ლოდებს თანისთან,
სუფთა წინწყლება აჭარისწყალი!

ხევს ჩამოჰყვება ნახირი დინჯად,
და ნახირს წყალზე აჯდებენ მწყემსნი...
იტყვიან ამბავს და როგორც იგავს,
ან როგორც თითონ ფშაველას ლექსი!

აჯდებენ ნახირს წყალზე და მაშინ
სხდებიან ქვებზე მწყემსნი კეთილად,—
ძროხის ცურები, ჯიქანი წყალში
გამოსახულა და ჩაკვეთილა...

ჰყვებიან ამბავს და ფოთლის შრიალს
სალამურის ხმა ნაზად აჰყვება,—
აქარისწყალს კი მიაქვს და მიაქვს
ლოდი—ვიდრე არ დაეკარგება!..

II

აივანზე ვარ და თვალში ჩადგა
ხეობა, ეს მთა, ტყეები ხშირი,—
დაბურულ ტყეში სტენას რომ აბამს
სკვინჩაა, შაშვი,—საერთოდ ჩიტნი...

სცემს გულისფიცარს და შავი შაშვი
შეიფრთხილებს ბარდში უჩინრად!
ჩიტია იგი და სწორედ მთაში
მხოლოდ ავღრიან ზამთარს უჩივა.

ნაძვია ეს ხე, ნაყოფს არ ისხამს
და წელიწადში უჩვენებს ერთ ღროს
და როგორ გასძლოს ზამთარში ჩიტმა
ნაძვის ხეებთან უკურკანტელოდ!

ნაძვია ეს ხე, ნაყოფს არ ისხამს
და თითონ ხალხსაც იყო დრო ჟამი,—
არ ჰქონდა სახლი, არ ჰქონდა მიწა,
ალარც სიმინდი და არც ხორბალი.—

ნაძვია ეს ხე, უჩვენებს ერთ ღროს
და ჩიტის მსგავსად მაინც არ ვრჩებით, —
ორტაროიან სიმინდის ღეროს
აჯირითებენ მთაში ბავშვები...

III

კერიის პირად ვისხედით ერთად,
 ყერია ბადებს ზღაპარს და იგავს;
 მას სურდა სხვათა გარშემო ეთქვა
 და თავის ირგვლივ არ სძრავდა სიტყვას...

დაართო ძაფი და როგორც ბურთი
 შეათამაშა მოხუცის ძალით,—
 მცირე ხანს ვსდუმდით და შემდეგ ურთი—
 ერთის სახელი გამოვიცანით!

ჰყვებოდა ამბავს მოხუცი ქალი,
 თვალშავი კატა ფეხებთან ეწვა.—
 მხუილი ისმის—აჭარისწყალი
 ლოდებს მთასკდა და მიელეწა...

ან შემართულა ყველა საკრავი
 და ათას ძაფით წკრიალებს ერთად,—
 ლამეა მთაში და ეს ვარსკვლავიც
 ჩაქრება ხან და ხან გამოჩნდება...

სიმღერა მთაში,—მასაც აღელვებს,
 იხსენებს წარსულს, გმობს და ცხარდება,
 ეს ნაოჭებიც ფერმკრთალ სახეზე
 ჩანან წარსულის გამოცხადებად...

ჰყვებოდა ამბავს, მე სტუმრად დავრჩი,
 მთვარე მთის გაღმა, ხეებში ჩაწვა,—
 მთაში ლამეა და გლეხის სახლში
 სახეს გვინათებს ილიჩის ლამპა!..

მამულ ვარუაწიამ


კოლეჯურნეობაში

ეს მინდვრები, ეს მთა-ველი,
გორები თუ ჭალა
ბეგის იყო,
განაგებდა იგი.
ცემით სამჯერ აღიღებდა
გლეხისაგან ღალას;
ის არაფერს არ დასთმობდა,
არვის ჰქონდა რიდი.

მაგრამ ძალამ ოქტომბრისამ
გამოსცვალა წესი,
მშრომელებმა დაამყარეს
მხოლოდ მათი ნება,
ძლიერია კოლექტივში
ძალა ჩვენი სოფლის,
დღეს ქიეყანას საბჭო მართავს,
როგორც მშრომელთ ნებავეს.

სიღარიბეს რა აქვს გლეხთან
აბა დანარჩენი,
მას სდევნიან ქოხებიდან,
ისე როგორც კულაკს.
მაღალ შრომის ტემპებს მისდევს
კოლექტივი ჩვენი.

24498



№ _____ აზიზ აცამბა—ჩუგუნის ქუჩა.

სურვიმ პაპუნაშვილი

აჭარის სოფელი

ატყვია სოფელს შედევი ზრუნვის,
იზილეთ თითონ, თითონვე ნახეთ,—
აჭარის სოფლის ახალი გული,
აჭარის სოფლის ახალი სახე...

უჭირდა ცხენსაც გავლა ამ მთაზე,
ვაუკაც მხედარსაც აქმევდა სირცხვილს.—
გაიჭრა კლდე და მოკენჭილ გზაზე
ავტომანქანა მიჰქრის და მიჰქრის...

თუ იწვა ღამე, როგორც ღიმილი
ფერმკრთალი მთვარის... ახლა ვით ეშხი,
ბრწყინავს, ანთია როგორც ჟინჯილი
ელნათურები აჭარის მთებში...

სწავლობენ ახლა ტოლები ჩემი,
მათი ოცნება და მათი ფიქრი
ისე ლაღია და მიმზიდველი,
ვით ახალ სოფლის ახალი წიგნი...

ქ-16023

შრიგულ ხმისაგ

ბათუმში, ზღვასთან

მოგესალმები ზღვაო დიადო!
მიყვარს ხმაური შენი ტალღების.
მებრძოლი სულის შენა ხარ საზრდო,
ხარ შთაგონება ბრძოლის ჰანგების.

მნიბლავს ზვირთები ცად ანაზიდი,
როს ქარიშხალის ფრთები გახელგებს.
შენ ცხრაასხუთის მებრძოლებს ზრდიდი—
გამოიზარდენ და გასახელგეს.

შენ გმეგობრობდა თვითონ ბელადი,
მღელვარე გულით შენი მსგავსება.
ძველ მუშებს ახსოვთ: ბეჟუტავს სანათი. .
ღარიბულ ქოხში გახსნილა კრება...

გარედ წვიმაა, გარედ ქარია,
ოთახში ისმის ზღვაე შენი ქშენა:
თითქოს ტაშების სიმქუხარეა,
თითქოს კრებაზე ესწრები შენაც.

შურისძიების ძალა სკედს ლახვარს,
ესწრაფებიან მტარვალთან შებმას,
რადგან, ვით ახალ ქვეყნის დანახვა,
ხმა წინამძღოლის იგრძნეს მუშებმა.

ათასი ფიქრი, ათასი ელვა,
იქ დაიბადა, იქ ბოზოქრობდა.
ზღვაო, შენსავეთ დაიწყო ღელვა,
ვისაც გრძნობა და კაცობა ჰქონდა...

ცხრაასორიდან დაიწყო თქეში
პირველ მებრძოლთა სისხლის ტბორებით
და იმის შემდეგ ნიადაგ თვეში
იყო შეტევა განმეორებით.

აღსდგა ქარხანა, აღსდგა მაღარო,
აღსდგა გლეხობა მუდმივ ჯანყებით
რომ დაენგრიათ ძველი სამყარო
რევოლუციურ მძოვ დაჯახებით...

ზღვავე, შენებრ სულით დაუდგრომელი
იყო მრისხანე ბრძოლის სიმღერა...
განვლო დროებამ... ხარობს მშრომელი,
განთავისუფლდა მშრომელთა კერა.

ახლა არმია პროლეტარული,
თავისუფალი და თავმომწონე,
თავის სამშობლო მხრის მოყვარული,
გმირულ ბრძოლების დროებს იგონებს.

სხვა იერი აქვს დღეს შენს ნაპირებს
ამკობს აშია პალმის და ვარდის,
და კვლავ ზედმეტად თვალს გააკვირვებს
ცხრაასხუთელთა ბალი „ცხრაამარტი“...

მიყვარხარ ზღვაო, მსურს შენი ცქერა!
მზიბლავს ზვირთები ცად ანაზიდი,
შენთან მოსულმა გულმა იმღერა:
შენ ცხრაასხუთის მებრძოლებს ზრდიდი...

გ მ ნ ი ო

I

ვინ შეიძლებს ისეთი
ქვის გული იქონიოს,—
აღტაცება არ იგრძნოს
როს შეჰყურებს გონიოს.

მომზიბლავი ბუნებით
ვხარობ განალაღები:
აღმოსავლურ ზღაპრებად
გადაშლილან ბაღები.

ვის უნახავს ზმანება
მსგავსი ტაბახანისა:
ეს ოქროებდასხმული—
ხეა ფორთოხალისა.

თითქოს შესწყდა ღილები
ელელს პატარძალისა—
აჩენენ ხეხილები
ნაყოფს წარმტაცს თვალისა.

აქ ჰაერი ნაზია,
აქ ჰაერი თბილია,
და როგორც ფანტაზია,
აქ ცხოვრებაც ტკბილია.

მინც კომკავშირელსაც
ახსოვს იყო დროება,
ეს ქვეყანა ტიროდა,
სწყუროდა მყუდროება.

მაგრამ ახლა ახალი
ზღვიდან მოდის ნიავი,—
წარსულს წაჰყვა წამება,
წარსულს წაჰყვა სიავე.

აქ ჰაერი ნაზია,
აქ ჰაერი თბილია,
და როგორც ფანტაზია,
აქ ცხოვრებაც ტკბილია.

II

პირისპირ დგას,
ზღვას უცქერის
ციხის გალავანი;
და ძველ აძბებს
ლაღადებენ
ძველისძველი ქვანი...

მაგრამ ძველში
სასიამოს
ვინ იპოვის დღეებს,
ძველი ციხე
მოგვაგონებს
სისხლის ღვარს და ტყვეებს...

ამ ფიქრებით
ჩვენ შევალეთ
ალაყათის კარი,
ველოდებით
ენახოთ ხაესი
და ბუნება მკვლარი.

ვფიქრობთ:
შთანთქავს ყურადღებას
ძველი კოშკის თალი,
მაგრამ...
ჩვენს წინ გადიშალა
თვალწარმტაცი ბალი.

— „სადაც წინად
სისხლი ეცხო
მიწაზე და ქვაზე,—
დღეს ვაშენებთ
იქ ლიმონებს...
— ამბობს სალუქვაძე.*)

ეგ სიმაგრე
აულიათ
ციტრუსების ჯარებს,
თოფ-ზარბაზნის
ნაცვლად ვხედავთ
მომარ ჯვებულ ბარებს.

მწვანე ფოთლებს შორის
ქარვა
მოჩანს სასურველი,
ძველი ციხის
გალავანი
არის მისი მცველი.

*) გონიოს საბჭოთა მეურნეობის
მთავარი აგრონომი.

არც ბეგი ჩანს,
არც მთავარი,
გაქრენ როგორც მტვერი
და ზღვის ზვირთთა
მიმოქცევაც
ახალ ჰანგზე მღერის.

პირისპირ დვას,
ზღვას უცქერის
ციხის გაღავანი,
ახალ ყოფას
ბალი ამკობს,
ძველს გვითხრობენ ქვანი.

ახალ აჭარაში

მე არ ვიძახი: რა ნახა თვალმა,
მე აქაური მზრდიდა ჰაერი.
სიყრმიდან მიყვარს ეგ ზღვა, ეს პალმა,
ცისდასავალზე ღრუბლის ნაჭერი.

ვანუსაზღვრელად მსურს მათი ცქერა,
მსურს ყვაეილები ნაირ-ნაირი;
ზღვის გუგუნს ერთვის ჩემი სიმღერა,
ვამხანაგა ტალღებს შაირი.

ჩაის ბუჩქებით მოჭადრაკული
შვენის ტაფობი, შვენის ქედები,
ბანანის ჩრდილში ვზივარ და გული
ხარობს, აღვსილი შემოქმედებით.

ბაღებს ფორთოხლის და მანდარინის
როგორ არ უძღვნას პოეტმა ქება;
ლიმონის სურნელს ძალა აქვს ღვინის,
ჩაის ვარდებით ვინ არ დათვრება.

წინადაც ვცნობდი ამ არე-მარეს,
მაშინაც ვიყავ მე მოხიბლული,
მაგრამ სიტკბოსთან ესვამდი სიმწარეს,
სევდით დაჭრილი მტკიოდა გული.

კაეშანს მგვრიდა ტალღების ტაში,
თუმცა მოწაფე ვიყავ პატარა—
ვწუხდი, ვიცოდი—აჭარლებს მაშინ
არ ეკუთვნოდათ მათი აჭარა.

თუმც სიკაბუკე ხალისს ეძებდა,
გულის სიღრმეში მწვდებოდა მოთქმა.
(იქნებ ჩემს სევდას აორკეცებდა,
რომ აჭარული მქონდა მეც მოდგმა).

რუსთა ხელმწიფის, ოსმალთ სულთანის
აჭარას ახსოვს სუსხი სასტიკი,
ახსოვს ქრილობა ხიშტის და დანის,
ორ ცეცხლის ალში იწოდა იგი.

ხოჯებს მოჰქონდათ ოსმალეთიდან
ცრუმორწმუნების შავი ღრუბელი,
და სიბეჩავე აჭარას ღრღნიდა
როგორც იარა, როგორც ღურბელი.

თვითმპყრობელობის შავი რაზმები
აჭარელს არც კი ავდებდენ კაცად,
დაუზოგველნი, როგორც ძაღლები,
უიარაღოს ჰკბენდენ მამაცად.

აჭარელ გლეხთა დაგრეხილ ბედის
სიმწრის უღელს ქვეშ კენესდენ ღღეგბი,
კისერზე აწვით ხარაჯა ბეგის,
სძარცვავდნენ, გლიჯდნენ მოხელეები...

კვლავ მენშევიკთა დუხჭირმა ხანამ
ყაჩაღთა ბუდეთ აქცია მხარე,—
ყველა მძარცველი და მუხანათი
აქ თარეშობდა, თითქოს დამხმარე...

მაგრამ აჭარის მშრომელთა ძალამ
გადაიტანა ღამე უკუნე—
და დილა შეხვდა ალისფერ ალამს
თავისუფლების ჰიმნის გუგუნით.

უღიადესმა მზემ ოქტომბერის
აღორძინა იმისი ღონე.
ის ეხლა ახალ სიმღერებს მღერის,
თავისუფალი და თავმომწონე.

დღეს აჭარელ გლეხს გული აქვს დიდი,
დაბეჩავენას ვერავინ ჰკადრებს;
წყალმა წაიღო ცრუ რწმენის ხიდი,
ალარ იფარებს გულინე ჩადრებს.

რომ მიანათა მანდარინის ხეს
და შვენის მწითლე ნაყოფის კრეფა,
აჭარელ ქალის მომღიმიარ სახეს
მზე უღრუბლებო თუ შეედრება!..

დღეს აჭარელი სულ სხვა კაცია,
ახალ ცხოვრებას დაწაფებული,
ეხლა ვარდები და აკაცია
ყვავის, რომ მისი ახაროს გული.

წინად თუ თვლიდენ მას ვიგინდარად
თავის საყვარელ ტურფა მხარეში,
ეხლა გათენდა, გამოიღარა,
ბნელი ძალების შეწყდა თარეში.

ახალ ცხოვრების ანათებს კარებს
მზე დამკვრელობის, გამოგონების;
მთებს კომკავშირის რაზმი ახარებს,
რაზმი ვაჟების და გოგონების.

ესენინივით მსურს დავიძახო:
„მეც კომკავშირლებს მინდა გავდიო...“
მინდა ახალ დროს ხელი შევახო,
მინდა ახალი ვისუნთქო სიო.

მე არ ვიძახი: რა ნახა თვალმა!
მაგრამ ის ხიბლავს გულს აღტაცებულს,
რომ სულ სხვა სხივით უნათებს პალმა
ტურფა აჭარას დღეს განახლებულს.



ვ. ილიუშინი — შუმღვლმა აჭარის სოფელში.

ფატიშუმი დადიანი

ა ი შ ე

მე შენ გიხილვ ხალისიან მებრძოლთ კრებაზე
ამხანაგთ შორის მდუმარებდი თავჩაქინდრული
და მეგობართა ყოველ ძალუმ ამოძახილზე
შენ უცნაურად გიღელავდა, გითართოდა გული.

მოვედი შენთან, მეგობრულად მოგხვეი ხელი,
გითხარი: რისთვის მოგბურჯია შავი ფიქრები?
მითხარი: დაო, ოჯახიდან რომ გამოხველი
და დააყოლე: ერთი ქალი აქაც ვიქნები!

გამოეთხოვე სოფლის მინდვრებს, ცივ მთავრეხილებს,
აქ სხვებთან ერთად მანქანებით ქსოვ დარაიას.
შენი სახელი ისტორიის მძაფრ ქარტეხილებს
შრომით, დიდებით, სიხარულით მძლედ გადაიარს.

ამბობდი: ჩემო ის დრო შენ არ გემახსოვრება,
როცა გულს კლავდა სიღარიბე, გოდება, დარდი.
ეხლა სხივებით შეიმოსა ჩვენი ცხოვრება
და ელვარებამ გაარღვია, დაცხრილა ჩადრი.

მე მაკვირვებდა ელვარება შენი თვალების,
რომელიც ღიმილს აჰყოლოდა, ნაპერწკლებს ჰყრიდა.
შენ გაოცებდა გადაკარგვა ძველი ლანდების
და სიხარული მოისმოდა მაგ მქუხარ ხმიდან.

ჩ ე მ ი ქ ვ ე უ ა ნ ა

ბევრი გახსოვს წარსულ დროში სისხლის ღვრა და ძმებთან ომი,
სისხლისმსმელი წურბელები რომ ძღებოდენ შენი შრომით,
გაგონდება ჩაგვრა, ტანჯვა, როს წარსულში იხედები—
გაუცრუვდათ შენს მჩაგვრელებს ოცნება და იმედები.

შენს მიღწევებს შენი სახე ამაყად და ცხადად ამხელს,
საბჭოეთის ვარსკვლავეთში მშრომელებმა ბედი ნახეს.
აჭარელი გოგონები აშენებენ დიად საქმეს
და მზის სხივი დასთამაშებს აჭარელი ქალის სახეს.

დაჭაბუკდი, დავაჟკაცი, გაიზარდე, გახდი დიდი,
სამუდამოდ მოძმეებთან მეგობრობის გასდე ხიდი.
გვიხარია ახალ დროის, ამ ეპოქის რომ ვართ შვილი,
ჩვენზე ზრუნავს დიდი ქვეყნის მშენებელი ჯულაშვილი.

დღეს მზის სხივი ეფინება ჩემი ქვეყნის ცის კამარას,
ვესალმები ციტრუსებში გადაფურჩქენილ ჩვენს აჭარას.
მუდამ, მუდამ მიღწევებით კიდევ უფრო წინ, წინ გვევლოს,
შენთან ერთად გაუმარჯოს ორდენოსან საქართველოს!

ასლან პაიკაშიშვილი

საგჯოთა აჭარას

გულს უნდა იყოს მუდამ შენს ახლოს,
მუდამ შენს გვერდით ზაფხულს ხვდებოდეს,
გულს უნდა შენი ზეიმი ნახოს
და შენი შრომით ხარბად სტკებოდეს.

მინდა ვუმზირო ამ ვრცელ ტყე-ველებს,
ამ ნარინჯებით მოფენილ მდელოს;
ეს სიხარული ჩვენ გვამეტყველებს
და გვათქმევინებს მძლე სადღეგრძელოს.

ახლა აქ ლამეც ველარ აღამებს,
იცის ეს ყველამ: დიდმა, ბალღებმაც.
ეს ბაღნარები დაცვარ-დანამეს
შავიზღვის ცისფერ, სუფთა ტალღებმა.

შენი გულ-მკერდის თვალმარგალიტი,
განახლებული მიწა, ბებერი,
სხვებისთვის არის მზა მაგალითი
და ახალ გზების მაჩვენებელი.

ჩვენში ამბობენ: როგორც ციდანო
მიწას ეფრქვევა სხივთა კრებული,
ისე ანათებს შენი მიდამო
ახალ ცხოვრებით განახლებული.

გულს უნდა იყოს მუდამ შენს ახლოს,
მუდამ შენს გვერდით ზაფხულს ხვდებოდეს,
გულს უნდა შენი ზეიმი ნახოს
და შენი შრომით ხარბად სტკებოდეს.

ბ. რურუა

საბჭოთა აჭარა თხუთმეტი წლისაა

საბჭოთა აჭარა თხუთმეტი წლისაა,
ჰასაკით ჯერ კიდევ ნორჩი, პატარა,
მაგრამ ძალღონით უძლეველია,
რაინდის მკლავებმა კლდეები დაღარა—
ეკლისგან გაწმინდა, დახნა და დაბარა—
და იგი ჩაით და ციტრუსით დაფარა.
მიწა მას ნედლი აქვს, ზეცა კი მზიანი!
გულმკერდი უხვი, ნაყოფი—რძიანი.
ქვეყანამ დაღეწა სიბნელის ვალია
იგი დღეს სიცოცხლის ხალისით მთვრალია.

მთის ნიავებო

მანდარინის და ფორთოხლის ბალებს,
სხვა მცენარისგან რჩეულებს, კარგებს,
ლიმონის ნერგებს ნახს და სათუთებს,
ჩაის ხასხასა, ხუჭუჭა ბუჩქებს,
ატმის და ვაშლის ყვავილთა ლილეებს,
მწვანე ჯეჯილს და მინდვრის ბილილებს,
მთასა და ველებს, ტყეებს, ბალახებს,
რაც ჩვენ თვალსა და გრძნობას ალაღებს, —
მინდა შევსძახო ყველას—კარგებო!
მათ გადაეცით ჩემი სალამი
თქვენ, საყვარელო მთის ნიავებო...

შალვა იოსელიანი

სტალინური თაობა

როგორც მთვარის ტრფიალება
ჩანჩქერების ნაჟური,—
როგორც ვოდოპიანოვის
სიმღერა ვაჟკაცური;

ვით დამდნარი მთიდან თოვლი,
დაცვენილი ნარინჯი,
ვით ალექსი სტახანოვის
რიჟრაჟური ნაბიჯი;

როგორც მღერის გაზაფხულზე
ხმა ვერცხლიან ზვირთების,
როგორც დურსუნ ნაკაშიძე
დოსტაქარი კვირტების;

როგორც შეკრავს შტოებს მთვარე
ფირუზისფერ კვირტიანს,
როგორც მღერის მოშრიალე
ბაღში არონ კიტია;

ვით რიჟრაჟზე დამფრთხალ ბინდის
გაქცევა და ჩივილი,
ვით მარიკა ფუნდუკიდის
ვერცხლისფერი ღიმილი.

როგორც ხმალის ელვა მზისებრ
ტოვებს ღიმილს ვარდიანს,
ვით ფადიჩე გოგიტიძეს
ცაში უნავარდია;

ვით შუქურა სხივთა ჟღერით,
ანთებს ზღვის გულს და კიდეს,
კომკავშირელ ინჟინერის
ბაგროვის და კიდევ...

ვით შრიალა ნაძვის შტონი
დგას კლდის დასადაღავად,
ისე როგორც დაზგებს შორის
მოერის მემედ ფალავა.

როგორც დილის სიხალისე,
შემართული დაირა
ეს სიმღერაც უნდა ისე
ქექდეს მრავალნაირად.

ისე როგორც ელვა კაყის
გრიგალური სიმთ ყლერა,
ამ დიადი გარიჟრაჟის
მშენებელთა სიმღერაც —

მთებს ესმოდეს, ბაღს, ხეს, ყვავილს
ოქროს ფიქრით ნაღებავს,
ჯულაშვილის რწმენა ყვავის
გულში ბაირაღებად.

იფანტება ეს სიმღერაც
ცაზე ვით ვარსკვლავობა,
ილიმება შვინდისფერად
სტალინური თაობა.

უკრთოხლების ქარავანი

მწვანე დილა შეშრიალდა
მზე ჩამოწვა შინ და გარედ,—
და გაშლილი მთების კალთა
ფრთებს ორბივით აშრიალებს.

ხე ატირდა დილის ცრემლით—
ცვივა ცვარი როგორც წვიმა,
და სიმღერა მომხიბვლელი
შტოს ფოთლებში ჩაეხირმა.

ფორთოხლების ბაღში დილით
გოგონების რაზმი მღერის,
და ნარინჯი მოკრეფილი—
მლიმარი და ქარვისფერი,

იაგუნდის შტოზე მჯდარი—
მოკრეფილი მიაქვთ ბიჭებს—
და მზეც მთაზე გადმომდგარი
ფიქრს კაცივით ანარინჯებს.

არ დაკარგეს შრომა უქმად
რესპუბლიკის გუნდლებმა
და შავი ზღვაც ხარბად სუნთქავს
სუბტროპიკულ სურნელებას.

მზე შემოდის შინ და გარედ
დგას სოფელი უხვი ჯანით,
თვალს აბრუებს მომლიმარე
ფორთოხლების ქარავანი.

მზემ ტატნობი გადასცურა,
მოგავს კანდელს მთებში ნაშენს,—
და შავი ზღვაც ვაჟკაცურად
გაშლილ ფაფარს ათამაშებს.

ბ ა რ ი უ რ ა უ ი

თენდება. ცაზე ცეცხლი ფეთქდება,
ხეებს ქოჩორზე ედება ალი,
ზღვა ღელავს მშვიდად, ჰაერში სკდება
მზე სუბტროპიკულ რიქრაჟით მთვრალი.

ციმციმებს ცვარი და ალმასივით
მწვანე ნარინჯის ფოთლებს აპკურებს,
ზღვის ფრინველები ტალღებს ღაწივის
და ქარი წივილს ასალამურებს.



მიწის აქოჩრილ ხეთა ნაყოფებს
ქარი, ნიაფი ეალერსება,
და მიწას მძიმედ ნაავადმყოფებს
დღის სიხარული ეტრფის ლექსებად.

ქვის ტრანშიებზე მოქუხს მდინარე
როგორც დაჭრილი მხეცი, ნადირი,
მოდის გულდაგულ, მოდის, მძვინვარებს
თურქეთის მთიდან გადმოვარდნილი.

გვინდა ბრძოლაში სისხლი გავწიროთ,
თან ანთებული ხალისი გვინდა,
და აჭარული მიწა ვაქციოთ
საბჭოთა ქვეყნის პირმშო ფლორიდად.

სადაც დღეს დევდა ცრემლი, ქვითინი,
ნახევრად ველურ უხმო მხარეში—
სუბტროპიკული მიწა იცინის
მზით აფეაქებულ სიმხურვალეში.

ვაშ: ნებთ მხარეს, სადაც არასდროს
ცეცხლს არ ჩავაქრობთ მკერდს რომ ანთია,
მხარეს, რომელსაც გმირულ დარაჯობს,
ლენინელების მტკიცე პარტია.

გ ა ზ ა უ ს უ ლ ი

ყვავილებიც გაიშალა
ვარდი რაა—ია რა,
სიხარულმა ფრთა გაშალა
მთები გადაიარა.

ნაკადული ხეა ჩახჩახით
ლოდებს გადმოჩხრიკლებს,
მთა გასძახის, კლდე გასძახის,
იარე! და იარე!

მთა ღრუბლებით უბეს ივსებს
თითქო ჩიბუხს აბოლებს,
ფრინველებმა იკისკისეს—
და მზე ამოაგორეს.

მოაქვთ გული სავსე ხმებით
მზე უვარცხნის დალალ თემებს,
მკერდი სავსე—თულუხები
თვალ ცქრილა გოგონებს.

მინდორს წყალი და არხია
მზე სივრცეში ვალალებს,
მთა სიმღერამ დაარხია
—კოლექტივო, ჰარალე!

ველს მოედო შრომა ისევ,
მთა სამოსელს იკერავს,
მიწა ისმენს, სივრცე ისმენს,
კოლექტიურ სიმღერას.

—სიხარულო იყავ მალი,
პთებზე გადივალაღე,
გვქონდეს უხვი მოსავალი
ვარალალი!.. ვარალე!..



ნ. მანიძე

ახლა იმ ხევში ელსადგურია

1.

ღამე ფიქრებში არწევდა
 დიდაჭარას და ყიშლებს...
 მთვარე რომ ფარდას ასწევდა
 და მთებს ტოვებდა შიშველს,
 ქვევით ხევი ჩნდა და ხევის
 ბურუსით საესე კალთა,
 ხევში ჩადრიან ხეებით
 ლოდი შეკრილი წყალთან.

ყიშლების გადმონასროლი
 კლდეებიანი მხრიდან
 ქართულ ხმალივით ჩანჩქერი
 ლუსკუმ ხეობას სჭრდა!
 ხევში უძველეს დროიდან
 ავაზაკ ბებრუხანით
 კარავი შარას ზვერავედა
 ფილთა-თოფითა და დანით...

„ხოშ-გელდი!“ ხშირად მოხუცი
 გამოსძახებდა გარედ
 და ქოხში მიაცილებდა
 მკზავრებს, ანთებულ კვარით.
 ცოტა ხანი და... აღკვამლით
 დაიკვნესებდა ფილთა...
 იმავე ღამეს ნადავლი
 იყო ხიმშიაშვილთან...

და როცა მოსახლეობა
 თოხით მისდევდა ღამეს,
 ჩუმად მარხავდა ხეობა
 ყადიოღლებთან გვამებს!..

2.

დღისით ეძინა ბერ-ქოფაკს.
მზე რომ წვებოდა მთებში,
ბნელი კუთხიდან მოქონდა
ნახშირიანი თევზი
და ხელისცნობით, ირიბულ
ტყავზე ავლებდა ხაზებს,
თან ჩიფჩიფებდა უკბილო,
თითქოს აწერდა ასე:

— ეს — უშვილობის წამალი...
— ესეც — მოარჩენს შეშლილს...
— ეს — საიდუმლოს დამალვა...
— ეს — სიყვარულით შეშლის...
შემდეგ კერავდა, მუშტავდა...
და განთიადზე სისხამ
ხოჯის მოგზავნილ მუშტართან
ოქროზე ყიდდა ნუსხას...

სოფლად ამბობდენ, რომ ხევი
კურმუხეთია, უნდო,
შიგ ავი სული ირხევა
და შაითანი ბუდობს.
სულგაყიდული მოხუცი
უცხო ნუსხებით სძლებსო,
მაგრამ ეშმაკი იმასაც
მალე წაართმევს ძვლებსო...

და გაურბოდენ დღისითაც
ხევს და მიდამოს მისას.
ვერვინ ბედავდა მოხუცთან
ხოჯის უნებურ მისვლას!..

3.

შემოდგომა იყო და
ადრე დილით ერთხელ
ბრიგადირი მღეროდა
მიმავალი ხევ-ხევ:

ახლა გუდასახოში
კოტი აღარ ბოდაეს —
ელდენშია ახორი,
ელდენშია ოდა!

5

ახლა იმ ხევში
ელსადგურია
და ელნათური
ოდების გულში,
ახლა აქ ყოფნას
არ ემდურიან,
როგორც წყველიდენ
გაჩენას გუშინ!
დღეს უჩხოელი
გლეხი არ კვებაეს
უელექტრონოდ
ბოსელში ხარებს,
და სარგინეთის
გადაღმა კვდება
დიდაქარაში
დაქრილი მთვარე!..
ყადიოდლებში
ჩაწვა არხები,
პლანტაციები
მწვანედ გაშლილი,
მგზავრებს მოხუცი
ხევში არ ხედება
და არც მოსისხლე
ხიმშიაშვილი.

სასან მძრპირიძე

ზრომის სიხარული

შემოხედეთ მშრომელთ რიგებს —
მათ მარჯვენას, — გუნდათ
შეკრულან და ვით სალი კლდე
მტკიცედ დარაზმულან.

გაუშლიათ სოცშეჯიბრი
ქალებსა და კაცებს
და ეს ზრომის სიხარული
ახალ გმირებს ბადებს.

ვის გაასწრეს, ვინ ჩამორჩა
ვაი მისი დარდი —
ზარმაცია, იმას ჩვენში
ვერ დაურჩენთ ადგილს.

შემოხედეთ მშრომელთ რიგებს,
მათი სახის ღიმილს,
ურყევია, ვით სალი კლდე
ჩვენი კოლექტივი...



ბ. ლორსი

მანდარინები

დატვირთული ურმის ბორბალი ქვაზე შედგა. ურემი გადმოეფერდა და რამდენიმე მანდარინა ოქროს მძივებივით გაგორდა მიწაზე.

— ჯემალ, ხარებს მიხედე!—შესძახა მუსამ და დაპნეულ მანდარინების ასაკრეფად გაეჭანა.

— ასეთ ძვირფას ხილს დააპნევს კაცი?

ერთმანეთის გასწრებას ფიქრობენ,—სთქვა ჯემალმა. ურემს წისადგარი დაუდგა და შეაჩერა.

— იჩქარე, თორემ დაგაღამდება. ამაღამ არ დარჩე, ჩააბარე და წამოდი. გეგმის შესრულებას მგონი ბევრი არ დააკლდეს. წელს ათი ათასით გეგმაზე მეტი უნდა ჩავაბაროთ. მოსაკრეფი უფრო მეტიც იქნება.

— შარშანც მეტი ჩავაბარეთ—უთხრა ჯემალმა.

— ჰო და არც წელს უნდა დაუკლოთ,—მოხუცმა მსუქან ხარებს გადაუსვა ხელი.

მუსამ მოსახვევამდე მიაცილა დატვირთული ურემი. შემდეგ მობრუნდა, ამო-არა პატარა სერი და მაღალზე წამომდგარ ოღის წინ ხის მორზე ჩამოჯდა.

გრილი ნიავი დაბორილობდა მანდარინების ნაშენში.

— მშვენიერი ამინდია. ერთ კვირას რომ გასტანდეს—მანდარინების კრეფასაც მორჩებიან და გეგმებსაც გადააჭარბებენ—გასაგონი ხმით სთქვა მან და გადახედა მანდარინების ხეებს, რომლებიც უხვი ნაყოფის ქვეშ ტოტებდახრილი იდგენ.

ეზოში ბავშვების ხმა მოისმა.

მუსამ მოიხედა.

— ქევსერ!—გასძახა მან და ხელები გაშალა.

ბავშვებიდან ერთი ცქრილა გოგონა გამოეყო, სირბილით წამოვიდა და მუსას გაშლილ ხელებში შევარდა.



— რა ისწავლე დღეს ჩემო ჩიტუნია?— შეეკითხა მუსა ბავშვს.

სთქვა.

— ზამთრის ლექსი— მიუგო გოგონამ და ლექსი ზეპირად

მოხუცმა მხიარული თვალები გააყოლა ბავშვს. შემდეგ სხვებს მიუბრუნდა.

— ნური, ჯაფარ თქვენ არ გინდათ მანდარინები?— გასძახა მან. ბავშვებმა საწიგნები ოდის აივანზე დატოვეს და მანდარინებისაკენ გაიქცნენ.

— ნეტავი თქვენ!— სთქვა მოხუცმა— ადამიანურად აღზრდა მხოლოდ თუთხმეტი წელიწადია გველირსა.

მუსას თავისი ბავშვობა მოაგონდა. ათ წლამდე ქვედა ტანის დასაფარავიც არ ეცვა. ერთი ხამის პერანგის ამარა იზრდებოდა. არც შვილები გამოუზრდია უკეთეს პირობებში.

მუსამ ახედა კრამიტით გადახურულ ოდას, რომლის აივანზე რამდენიმე ძირი ლიმონის ხე იდგა ნაყოფით დატვირთული.

ეს სახლიც ამ 10 წლის წინად აშენდა. ეს ნალიაც. ეს ბელელიც. ეს დოვლათიც მერმე შექმნილია. ეს ცხოვრებაც ახალი შექმნილია— რიგრაგობით გადაავლო მოხუცმა თვალები მის კარმიდამოს.

— ეს მანდარინების ბალიც— ჩაილაპარაკა და ფერდობში გადაიხედა, მაგრამ მალე თვალი აარიდა და განზე გაიხედა.

— ვინ იცის იქნებ ცოცხალი მყოლოდა...

დაიტვირთა და დაიბურა ფიქრებით. ნწარე და ნაღვლიანი ფიქრებით. კარგა ხანია მუსას თვალწინ არ დამდგარა წარსულის მწარე დღეები ასეთი სიმძიმით.

მას შემდეგ, რაც თავისი პირველი შვილის სახელი ქვესერი შვილიშვილს დაარქვა— გულთბილობასა და სიტკბოებას გრძნობდა.

— მაინც ცოცხლობს ჩემი ქვესერი— ამბობდა გულში და ოცდახუთი წლის წინ დაკარგულ შვილის სიყვარულს შვილიშვილში პოულობდა.

* * *

ლარიბი იყო მუსას ოჯახი, მაგრამ ტკბილი ცხოვრება ჰქონდათ, ისეთი ცხოვრება, როგორც მხოლოდ მშრომელთა ოჯახებშია ხოლმე.

ორი შვილი ყავდა ამ დროს: ქვესერი და ჯემალი. ქვესერი



პირველი შვილი იყო. ათი წლის. ცქრიალა და მაყვალა თვალგბინი. ჯემალი ორი წლით უმცროსია. ორთავე საყვარელი და სიცოცხლით სავსენი.

ბავშვებს ჩაცმა-დახურვა, მოვლა-პატრონობა, ალერსი და სიყვარული უნდა. საღ იყო ეს, ვის ჰქონდა ტანფეხი, ვის ეცალა მოვლა-პატრონობისათვის და აბა მარტო სიყვარული როგორ გაზრდიდა ბავშვებს!

ციებამ დაიმორჩილა ქვესერი. გაახმო, დააჰკნო, გააყვითლა და ლოგინში ჩააწვინა. ზამთრის მზესავით იშვიათად გამოჩნდებოდა გარეთ. იჯდა ნახევრად მიმქრალ კერასთან. თუ საჭმელი მოუხდებოდა, ცივ მჭადს მიათევებდა და შემომწვარ ქერქს შემოაცლიდა. ის იყო მისი საზრდო.

ჯემალი ცელქი და მოუსვენარი იყო. დადიოდა ტყეში, ბაღებში, მოჰქონდა ქვესერისათვის შინაური თუ გარეული ხილი, ქვესერს უყვარდა ძმა და ჯემალიც სიყვარულით უცქერდა მას. ყველაფერი მისთვის უნდოდა, ყველაფერს მას უზიდავდა.

ერთხელ ლენერლის მამულშიაც გადაპარულიყო. ეს მამული მახლობლად იყო გაშენებული.

ყველგან მოცლილი იყო ამ დრის ხილი და ჯემალის გაკვირვებას საზღვარი არ ჰქონდა, როცა მწიფე მანდარინით დატვირთული ხეები დაინახა. არ იცნობდა ის ამ ხილს. რამდენიმე ცალი წამოიღო და ჩუმად მიუტანა ქვესერს.

ციებით დაავადებული ბავშვის პირს ესამოვნა უცხო ხილის ხალისიანი წვენი.

— ბაბაის არ უთხრა და კიდევ შოგიტან—გაათრთხილა ჯემალმა და.

ამის წემდეგ შეეჩვია ჯემალი მანდარინის ხეებს და კიდევ ბევრს წამოიღებდა, რომ მამას არ შეენიშნა და არა აეკრძალა.

* * *

ნოემბრის წვიმიანი დღეები იდგა. დასავლეთის ქარი უბერავდა. ზღვას ღრიალი შორს გაისმოდა. ხეები გაძარცული იდგნენ. მინდორველი გაცარიელებული.

ქოხებიდან ზანტად ამოდიოდა ბოლი. ბავშვები იტრუსებოდნენ კერისათან.

მუსას ოჯახში საშინელი სურათი იყო. მომაკვდავი ქვესერი



ლოგინზე იწვა. ფეხებთან აჩრდილივით ეჯდა დედა. კარებთან გაჩერებული მუსა მწარე ფიქრებით იყო დატვირთული.

სახლში წვიმა ჩამოდიოდა. სახლი დაუხურავი დაურ.ჩა მუსას, მაგრამ მისი სადარდო ახლა უფრო სხვა იყო.

ისედაც ბნელი დღე უფრო ჩამობნელდა, აცივდა და დაინესტა.

— ის ბიჭი სად დაიკარგა?— იკითხა მუსამ.

— ხასანისას იქნება— უპასუხა ემინემ და მომავლად ქვესერს დახედა.

— მუსა, სახლში ხარ?— დაიძახა ვილაცამ გარედან.

მუსამ გამოიხედა.

— ლენერლისას უნდა წამოხვიდე— უთხრა მას ლენერლის მანულების მცველმა მურადმა.

— რაი საქმე მაქვს?— გაიკვირა მუსამ.

— იქ გაიგებ— უპასუხა მურადმა.

მუსამ დაუბრეწილი ყაბალახი შემოიხვია თავზე და მურადს გაჰყვა.

ლენერლის სახლის წინ ხეზე თოკით მიკრული ჯემალი დაუხვდა. წვიმისაგან დასველებული ბავშვი კანკალს აეტანა.

— შენია ეს ლეკვი?— მისვლისთანავე მიახალა სიტყვა სახლიდან გამოსულმა ურიადნიკმა და ჯემალზე მიუთითა.

— ჩემია— ძლივს გასაგონი ხმით სთქვა მუსამ და ფერი ეცვალა.

— კარგი ძალღი გამოვა მაგისგან— სთქვა ურიადნიკმა და მოქნეული მათრახი გადაუჭირა მუსას.

მუსა სიმწარისაგან დაიგრინა. ჯემალმაც იგრძნო მამის ტკივილები.

— გემრიელი ხილია მანდარინები?!— დაცინვით შეეკითხა ურიადნიკი მამაშვილს.

მუსამ ახლა გაიგონა პირველად ამ ხილის სახელი.

— წაიყვანე!— გასცა განკარგულება ურიადნიკმა.

მურადმა მამაშვილი წაიყვანა და შუალამემდე სასუქით სავსე გოდრები აზიდვინა ახალ გაშენებულ ხეებში...

— რაი გინდოდა მაგ ძალღებისას! შეჰყვირა შვილს მუსამ, როცა სახლისაკენ წამოვიდნენ.

— ქვესერი სხვას არაფერს არ სჭამს. მისთვის მინდოდა... — ტირილით უპასუხა ბავშვმა.

მუსა ჯემალის გალახვას ფიქრობდა, მაგრამ ასლა ისე დაე-
წვა გული, რომ ცრემლები მოერია...

ემინეს კივილი და მეზობლების ტირილი კიშკართან მიეგება
მამაშვილს — უბედურება იგრძნეს.

ყველაფერი გათავდა.

წვიმდა გარეთ, წვიმდა სახლში, წვიმდა მუსას გულში, წვიმდა
მუსას თვალებიდან.

* * *

— ბაბუა, რატომ სტირი? და პატარა ქვესერი მოეხვია ბაბუას,
რომელიც ცრემლებს მის შეუძინველად ღვრიდა.

მუსამ შეხედა შვილიშვილს, რომელიც მანდარინებით საცხე
კალათით გაჩერებულიყო მის წინ.

— არ ვტირი. მუსამ თვალები ამოიწმინდა და შვილიშვალს
მოეხვია.

— ჩვენ ბედნიერი თაობა ვართ, ბაბუა, — უთხრა ქვესერმა და
მოკრეფილი მანდარინები ბაბუას კალათაში ჩაუყარა.

— ბედნიერი ხართ შვილებო, ბედნიერები, მაგრამ ჩვენს გულ-
ში წაჩხლის მიერ დატოვებული მწუხარება და ტანჯვა იმდენათად
დიდია, რომ ზოგჯერ ამ ბედნიერ დროშიაც გამოჩნდება ჩვენს თვა-
ლებზე ცრემლებად — უთხრა მოხუცმა შვილიშვილს, ორივე ხელები
მოხვია და გულში ჩაიკრა.

ა. თარნიშვილი

შუჭედის ნოველები

I.

შეაგვიანდა მთვარეს ამოსვლა!

ნაშუალამევს ჯერ გოდერძის უღელტეხილს შეაფრქვია სხივები და შემდეგ ქავლები ჩაჰყარა აჭარისწყალში და ამ მთვარიან ღამით ეს მთები, ნაძვნართა და საუკუნოვან ხეებით დაბურული აჭარის მთები, ეს კამკამა და ვარსკვლავებით მოჭედილი ცა, ეს ასხლეტილი სალი კლდეები საოცრადაა გამოსახული აჭარისწყალში!

ლივლივა, სუფთა, ანკარაა აჭარისწყალი...

ახლა დაწრეტილია ეს მდინარე, მაგრამ ტალღებს მაინც შხუილითა და ზატკით ალექვს ლოდებზე, — დაწრეტილია და მაინც არაა უხმაურო ამ კლდოვან მთების ძირებში ელვასავით შეჭრილი აჭარისწყალი!

ალაგალაგ მუხლამდის და ალაგალაგ უფრო პატარაა მდინარე და ბავშვები უფაცვროდ იქერენ კალმახებს და კალმახის ზურგს უფრო გავს აჭარისწყალზე გადმოხურული ზეცა.

შეაგვიანდა მთვარეს ამოსვლა!

ნაშუალამევს შეაშუქა გოდერძის უღელტეხილს და ქავლები ჩაჰყარა აჭარისწყალში და მთაში კი არა, მთების გულზე გაშენებულ ოდა სახლებში ქავლებად ენთო ილიჩის ლამპა...

ყუჩი ღამეა შუჭედ, ჰავაც სუფთა და მაგარი, ემარჯვება ძვარბილში გაჯდომა და ამიტომაც ჯანსუსტი არ იცის მთის ეზო-კარმა... აი, შენ, სამოცდათოთხმეტი წლისა ხარ და ჯერხანად არ იწოდები ჯანგატეხილად!

შენ ტოლს უფლება აქვს იმღეროს:

„ღვინუცი და გადავხუცი
ამ დროებას რალას ვუცი“.

მაგრამ ამ მთაში ნაძვსაც აბერებს ადამიანი, მგელსაც უსწრებს სიმარდეში და ქედს არ უხრის ზამთრის სიმკაცრეს... და შენ სა-



აზიზ აცამბა — ჩვენი ქვეყანა.



მოცდათოთხმეტი გაზაფხული, ზაფხული და შემოდგომა გარჯაშ
გაატარე და სამოცდათოთხმეტი თეთრი ზამთარი გამოიზამთრი...

რამდენი წყვილი ქალამანი გაგიცვეთია შუჰედ, რამდენჯერ შიშ-
ველ ხელებით გადაგიშავებია ეს ფერდზე დაკიდებული საყანე მიწა და
კარმიდამო და რამდენი ურემი შეშა მოგიტანია მხრებით, რომ
ღველფში ჩაბუდრულ ნაკვერჩხალს დილამდის ეკიაფა!

ყუჩი ღამეა და შენ, ნაცვლად ზღაპრისა, ჩვენი ცხოვრების
ნამდვილ ამბავს მიყვები და ახლანდელი ჩვენი ცხოვრება მზეზე
უფრო ნათელია, კამკამა და ღამაზი.

* * *

ქვანაში შეგზვდით ჩვენ ერთმანეთს. სოფელ ვანში ცხოვრობს შუჰედ.
მან თოთხმეტი კილომეტრი უფორხლოდ გამოიარა. გზადაგზა ნიგოზი
დაერჩია და სახლიდან ჩხავერის ყურძენი წამოიღო. ვავეცანით, გა-
ვესაუბრეთ, გაგვიმასპინძლდა ნიგვზითა და ყურძნით და ეს ქალარა
ჯადოქრულად და უცნაურად ტეხდა კბილებით ნიგოზს...

—ჩქარა მოდიოდით გზაში უთუოდ?

—მოჩქარეს მოუგვიანდესო!

ნელნელა, ტაატით და გზაც შეუმჩნევლად მოილია...

სოფელი ვანი ხელისგულზე აქვს დახატული შუჰედს.

სოფელი ვანი: ორმოცდათოთხმეტი მოსახლეა სულ და მათგან
ორმოცდაათი სტალინის სახელობის კოლექტივშია გაერთიანებუ-
ლი. ცხრაას ოცდათერთმეტში ჩაეკირა საფუძველი კოლმეურნეობას
და ჩაკირვიდან მოყოლებული თანდათან მაღლდება და განიერდება
ამ საერთო ბეღელის კედლები...

მოჰყავთ კარტოფილი, სთესენ სიმინდს, აქვთ თაბაქო, ვენახი
და მისდევენ მესაქონლეობას. სკოლისათვის აგებულია ახალი შენო-
ბა. უმრავლესობამ იცის წერა-კითხვა და გამოწერილი აქვთ ჟურ-
ნალ-გაზეთები.

ასეთია სოფელ ვანის ახლანდელი პასპორტი.

არაა გასაოცი და საკვირველი!

* * *

სოფელი ვანი: შემოდგომაზე მოწეული ქირნახული გაზაფხუ-
ლის პირამდის შემოილევა...

ორმოცდათოთხმეტი სახლი მტრის თვალებივითაა ერთმანეთს
ჩასაფრებული, სახლები სახურავჩანგრეულია და ოჯახებში ქუქყი,



სიდუხჭირე და სილატაკეა, სოფელში სულ არის ჩვიდმეტი ძროხა და ცხრა ხარი; მეტწილად ხელებით თოხნიან მიწას. წყრა-კითხვა იცის სამმა და არავის აქვს გამოწერილი ჟურნალ-გაზეთი. არაა შენობა სკოლისათვის და სკოლაში არ დადიან ბავშვები...

ასეთია სოფელ ვანის უწინდელი პასპირტი...

* * *

ახლა თვითეულ მოსახლეს ჰყავს ოთხი და ხუთი მეწველი ძროხა. სიმინდიც აქვთ და ხორბალიც, ყველი და კარაქიც, რძე და ერბოც... სულ დარჩეული ყავრითაა გადახურული მათი ოდები და სახლებში სისუფთავეა და სინათლე.

ეს ტყე და ეს მიწა, ეს მდინარე და ეს მთები მათი მორჩილი იყო და მისი ნაყოფი მათთვის უხილავი.

„მოდი, მოუდე კუდსაო
 ბატონი მოგცემს ქუდსაო,
 მოგცემს და ისევ წაგართმევს,
 ნუ დაგაკლდება გულსაო...“


„უქულო“ კაცი—სირცხვილია, მაგრამ ხალხს უთქვამს—„მოვიდა სიმშილი—წავიდა სირცხვილი“ და ერთავად შორს მიდიოდა ეს ოხერი სირცხვილი, მიდიოდა შორს და დასასრულს არ აჩენდა, რადგან სოფელში სილატაკე და სიმშილი იყო უსასრულო და მოუთავებელი და რამდენ მგზავრს მიმოუვლია ამ მთებზე, აჭარისწყლის პირთან, თვალი შეუვლია ამ სიდუხჭირისათვის, მაგრამ ოქტომბერამდე ვერავინ დაარწია და არც შეეძლო დაერწია მათი ცხოვრების აკვანი, ვერ შეანგრია და შელევწა უნიათო ცხოვრების თალი.

შუჰედისა და მისი ტოლების მხარმკლავითაა ანაგები ხიმშიაშვილის სახლი ხულოში და ახლა შუჰედი და მისი ტოლები თავად იშენებენ უფრო შნოიან და მალალჭერიან სახლებს.

პერანგის სახელო გამოიჩინა შუჰედმა.
 თეთრი იყო, სუფთა.

—წინანდელ დროში კანაფითა და ბამბით მოქსოვილი შარვალ-ხალათი და საცვლები გვეცვა და იცი რა ძნელია ბამბის გარეცხვა და გაშრობა?—და არც ირეცხებოდა ეს კანაფითა და ბამბით ნაქსოვი ტანთსაცმელი და ჩვენც გვეცვა ქუქყი გაზანგული და აშმორებული შარვალ-ხალათი.

ახლა ხუთი მეწველი ძროხა ჰყავს შუჰედს, ხელმოკლედ როდია; ჩვენი ცხოვრების სიხალისემ და სიხალგაზრდავემ შეიყვანა ეს მოხუცი ბოლშევიკების პარტიის რიგებში.



პარტიის წევრია სამოცდაათობმეტი წლის შუჰედ და იგი განა ოდესმე გაკიცხულა უქნარობისათვის? შუჰედი თუ სუსხიანი წარსულის მომსწრეა, იგი ამ განახლებულ ცხოვრების, სწორედ მთვარიან ღამეზე უფრო ნათელ, უფრო კამკამა და უფრო ღამაზ ცხოვრების მკედელი და კალატოზია. შუჰედის ცოლი ფადიმე პირველი გავიდა სამუშაოდ კოლმეურნეობის მინდორში და ეს ხუთი მეწველი ძროხა ფადიმემ დაზარდა და ფადიმეს ხელები აკრიალებს ასე სუფთად საცხოვრებელ სახლსა და ეზოკარს...

ხანშესულია ფადიმე.

მისი სიტყვა —

ეს — საგანგებოდ მოვლილი კარმიდამო და წელგამართული ცხოვრება!

ფადიმეს სიტყვა —

ეს — კოლმეურნეობაში ბეჯითად მომუშავე აქარელი ქალია!

ფადიმეს სიტყვა —

ეს — თითონ კოლმეურნეობაა, განახლებული ვანი, სკოლის შენობა აქარელ ბავშვებისათვის და ილიჩის ღამაზა ოდებში.

ფადიმეს სიტყვა —


ეს — სამოცდაათობმეტი წლის შუჰედი და ხანშესული ფადიმე — კბაუკებივით შეუტოლდენ ახალ ცხოვრებას; სიტყვა „ფუხარა“ უნდა დარჩეს ლექსიკონში მხოლოდ წარსულისათვის, წარსულის დასაცინად!

II

საოცრად შელევწენ და შეანგრიენ აქარის მთების გულმკერდი, გათხარენ და გაიყვანენ გვირაბები და მალე აქარისწყალს მოიმწყვდევენ და შეაგუბებენ ამ უზარმაზარ გვირაბებსა და აუზებში და აქარისწყალი აენთება ელნათურებად.

ელსადგური კლდეში, სწორედ კლდის შუაგულშია ამოყვანილი და აქარისწყალზე მედიდურად გადმომდგარი მთები გულგახრულია გვირაბებით, აქარელი მუშები იქნევენ წაკატს და უროს, ლალუმებით ხლეჩენ და ამსხვრევენ ლოდებს და თოკებით ეკიდებიან ციცაბოზე შეუშინრად.

აქ მარტო ელსადგური როდი შენდება! ყოველი გვირაბი და არხი ლახვარია უკუღმართი წარსულისათვის და აქ, გვირაბის კედლების თანატოლად ამოჰყავთ განახლებულ ცხოვრების კედელი.



მურსელ ღუმბაძე სამი წელია მოუცდენლად მუშაობს ელსადგურის მშენებლობაზე და ამ სამ წელში სამგზის ამაღლდა, სამგზის შელამაზდა მისი სახლკარი, მისი ოჯახი და თავად მურსელ ღუმბაძე.

თავდაპირველად ოსტატების ხელსაწყო დაჰქონდა მურსელს, მაგრამ ახალგაზრდა აქარელი ვაჟკაცი გადაწყვეტილი მიენდო ამ გვირაბების, არხებისა და აუზების ოსტატებს და მისი ოცნება—გამხდარიყო მათი თანატოლი და შესადარი—ახლა უკვე არაა ოცნება და ნატვრა, პირიქით—ახლა მრავალს უნდა იყოს მურსელ ღუმბაძე.

აღმრიცხველია მურსელ და წერა-კითხვა და ანგარიში მან აქ, ელსადგურის მშენებლობაზე შეისწავლა და ეს წერა-კითხვა და ანგარიშია მიზეზი, რომ იგი ოთხას მანეთიმდე ღებულობს თვეში.

დიდია მურსელ ღუმბაძის ოჯახი.

მისი ძმები მურთაზ და მუხამედ კოლმეურნეობაში მუშაობენ, ასევე დედა—გუნები, ცოლი და ძმების ცოლები და უმცროსი ძმები—

დურსუნ და მეგლუდ,

ზექიე და რეჯებ,

ენვერა და ფატყუმე,

ზინა და აიშე.

დიდია და მდიდარი მურსელ ღუმბაძის ოჯახი.

ყოველ შემოდგომაზე ორმოცდაათი გოდორი ყურძენი იწურება მის საწინახელში და მათი ბოსტანი სახელგანთქმულია მთელს სოფელში.

გარჯილობა უყვართ და უხვია გარჯისა და შრომის ნაყოფი.

ეს—ელსადგურმა შეიტანა ასეთი დოვლათი მათ ოჯახში.

ელსადგურმა ასწავლა წერა-კითხვა და ანგარიში მურსელ ღუმბაძეს და ეს ფარჩის კაბები—მურსელის დედას, დებს და ცოლს ასინეს რომ აცვია—ელსადგურმა მოქსოვა, დაჭრა და შეკერა!

თვეში ორხელ ფართლეულით, შაქრით, ბრინჯითა და ფქვილით დაქვირთული მოდიან შინ აქარელი ვაჟკაცები; ამის მიზეზიც ელსადგურია და ეს ელსადგური რა ღრმად იჭრება ამ მთების გულში და ეს ელსადგური უფრო ღრმად და თვალმიუწვდენელად იჭრება აქარელთა სახლებში, აქარელთა ყოფასა და გონებაში.

დიდია ეს ელსადგური!

ამ ელსადგურმა მურსელ ღუმბაძის ოჯახის მსგავსად მრავალი ოჯახი დააყენა ფეხზე და წელში გაბართა, მრავალ სახლს დაუგო იატაკი და ფანჯრები ჩაუსვა, მრავალ სახლს გადაუხურა სახურავი,



მრავალ ეზოს დაჰკიდა ჭიშკარი, მრავალი საცალფეხო ბილიკი გზატკეცილად აქცია, მრავალს ჩააცვა, დაახურა, გამოაწყო და მრავალი წინად უკაცური ადგილი აახმიანა.

დიდია ეს ელსადგური!

და ჭაღების ანთებამდე აციმციმდა და აენთო იგი; ეს სინათლე ყველგან ანთია—ვანში, შუჰედის ოჯახსა და სტალინის სახელობის კოლმეურნეთა სახლებში, წყარუთაში—აიშე და ნურთიფე ნაკაშიძეების—ამ მოწინავე, კოლმეურნე ქალთა კარმიდამოში, ჭვანაში, დღვანში, უჩამბასა და წყლისაყარში.

„მზე დიდია—მცირე ნისლი

დაფარავს და გავგიბნელებს.“

მაგრამ ამ სინათლეს ვერავეითარი ნისლი ვერ დაფარავს, ვერც ჭექა-ქუხილი და ქარიშხალი დასწყვეტს მის მავთულებს, რადგან ის ბოძებსა და მავთულებში კი არაა მოწესხული და შეეთოკილი, არამედ ელსადგურის მშენებელ აჭარელთა ტვინშია ჩამსხდარი და ჩაქვილი.

რამხელაა ეს ელსადგური, შუჰედ!

* * *

მთა წინაველაზეა გაშენებული უჩამბა.

უწინდელ დროშიც რვა სოფელი იყო აქ—მოფრინეთი და სამოლეთი, ცინარეთი და წაბლანა, ლაკლაკეთი და გოგაძეები, ჯაბნიძეები და ტბეთი; ამ რვა სოფელში მხოლოდ სამი ოდა იყო და თითქოც ამის გამო შეარქვეს ამ ადგილს „უჩამბა“.

სამი ოდა იყო რვა სოფელში და ოთხასსამოცდახუთი კომლი—ლარიბი და ლატაკი.

სამი ოდა იდგა რვა სოფელში ჭიშკრიანი, მაღალ და დათლილ მესრებით შემოკავებული და ოთხასსამოცდახუთი სახლი ისლითა და წნელით, ან ჩალით და მიწით გადახურული, უეზოვო და უჭიშკრო.

ახლა სამი ოდის ნაცვლად, რვა კოლმეურნეობაა და ლამითაც თავს აჩენენ წაბლის ფიცრებით ნაშენი ოდები. ახლა ანაგები ეს სახლები და რვა სოფელში ახალია ასოცდარვა სახლი და ეს ასოცდარვა ოდა კოლმეურნეებისაა; ეს ასოცდარვა სახლი შარშან, ან შარშანწინ ააგენ და წელს უფრო მეტ დოვლათს მიიღებენ კოლმეურნეები და საგაისოდ უჩამბაში არ იქნება არც ერთი ძველი სახლი.



ჰველაზე უფრო მოწყობილი შენობა მეჩეთი იყო უჩამბაში, მაგრამ უკვე უკან ჩამოიტოვებს მეჩეთი კოლმეურნეთა სახლებმა და და მალე სკოლა და კლუბი მთლიანად დაჩრდილავს მეჩეთს...

მეცადინეობის დაწყების დღესვე მრავლად გამოცხადდნენ მოწაფეები სკოლაში, აქ აქარელი მასწავლებლები ამეცადინებენ ბავშვებს.

მემედ გორგილაძე, სულეიმან ხვიჩია და ხუსეინ ბერიძე,—ისინი ბათომსა და ტფილისში სწავლობდნენ და ახლა მშობლიურ კერას დაუბრუნდნენ და სამოცდაათი აქარელი ბავშვი მათი მეოხებით ეწაფება სწავლას, ისინი ასწავლიან წერა-კითხვას უკვე ხანშესულ აქარელ მამაკაცებს და ქალებს...

ასხუთი წლისაა ოსმან ხაილოღლი და ასხუთი წლისაა ფედუს თურმანიძე და ისინიც პირველად მოესწრენ აქარელ ქალთა შეკრებას.

ოსმან ხაილოღლის და ფედუს თურმანიძეს ჯერ არ ენახათ ქალების თავმოყრა და საუბარი მამაკაცებთან ერთად და გაოცდა ეს ორი გადაბერებული მოხუცი, კა არ ეწყინათ, უკვირდათ მხოლოდ და კითხვის ნიშნად იყვნენ გადაქცეული...

ფატყუმე ლორთქიფანიძე ლაპარაკობდა.

ოსმან ხაილოღლი და ფედუს თურმანიძეც უსმენდნენ ქალების სჯა-ბაასს და მათ სამართლიანად უკვირდათ...

* * *

მთა წინაველაზეა გაშენებული უჩამბა...

ძველი თქმულებაა—მათზე ასვლისას მოლა ასულა წინ და მთისათვის „წინაველი“ დაურქმევია.

შერჩა ეს სახელი და ახლაც წინაველა ჰქვია ამ მთას, მაგრამ მოლა კი არა, ახლა თქვენ ხართ წინ წასული სამოღეთის, მოფრინეთის, წაბლანას და ტბეთის კოლმეურნეებო!

III

„ურმულსაც“ ახალ კილოზე მღერიან სოფელში ამჟამად. ეს „ურმული“ არაა ნალველითა და სევდით სავსე. ეს ახალი სიმღერა თითონ ხალხმა შეთხზა და დასწერა. ეს სიმღერა დანისპარაულში ან წაბლანაში, წინაველაზე ან საყოლაფერდში დაიბადა და უთუოდ ცისკრიან განთიადისას, როცა მინდვრად გასული კოლმეურნენი გულ-



ლონეს სინჯავენ და მუშაობენ არა ურჩად და ნაძალადევად, არამედ თავისინებით, ხალისიანად.

გულგატეხილია ღორჯომელი ხოჯა სკენდერ თავართქილაძე. შემოდგომაზე რომ ფურცლები დასცვივა ხეს, ისე დასცვივდა ასი წელი თავართქილაძეს და შემოაკლდა „მრევლი“.

გულგატეხილია ღორჯომელი ხოჯა!

რადგან მეჩეთისათვის ვერ მოიცალა ხალხმა, არც მინარეთიდან დარჩეული ხმა აღელვებს ხალხს უწინდულოვით და სალოცავად მოკეცილ მუხლებს დღე-დღეზე აკლდება ორორი და ოთხოთხი.

გულგატეხილია ღორჯომელი ხოჯა,

რადგან მეჩეთზე უფრო მეტი მიღწევა აქვს ღორჯომში კოლმეურნეობა „მიღწევა“-ს; ამ სამ წელში ოცდარვა მუშა-ხელი შეემატა კოლმეურნეობას, ხოლო სამჯერ ოცდარვა მლოცველი და მორწმუნე მოაკლდა მეჩეთს, შეიცხრილა, შემცირდა ფარდაზე მოკეცილი მუხლები და მეჩეთში ბლომადაა ცარიელი ფარდაგები.

მხრები აიყარა, დავაუკაცდა კოლმეურნეობა და თითონ სკენდერ თავართქილაძესაც გაუცრუვდა იმედი—ეს სკები რომ ასე ერთავად გამრავლდნენ, გაიზარდა ფართობი სიმინდის, კარტოფილისა და სამყურასათვის და კოლმეურნეთა ძროხებისათვის შვიდ ჰექტარზე სათივე გაშართეს.

ანდ.ზაბა—„მჭედელს დანა ენატრებოდა და ფეიქარს ხელსახოციო“. მეხტიალი ართმელაძის ეზოში იყო ჩხავერი ხეებზე გაბარდული და სახლისწინ ფანჩატური, მათ საწნახელში იწურებოდა ყურძენი და აღუღებული მაჭარი სხვის მარანში დგებოდა ჩქეფად.

ყურძენი და ღვინო ენატრებოდა ართმელაძეს.

მის ეზოში იდგა ნიგოზის ხეები და გარჩეული ნიგოზი სხვის ბელელში ჩხრიალებდა.

ნიგოზი ენატრებოდა ართმელაძეს.

ართმელაძის ძროხა ბრუნდებოდა საძოვრებიდან ჯიქანსავსე და ცურებდატენილი; რძე და ყველი ენატრებოდა ართმელაძეს.

ასე იყო წინად.

დარეკეთ და დაკრიფეთ ართმელაძის ნიგოზი და შეყარეთ ბელელში!

დაკრიფეთ ადესა და ჩხავერი, დასწურეთ საკუთარ საწნახელში და საკუთარ ჭურბში ჩააყენეთ ჩქეფად!

მოწვევლეთ ნაიალადარი ძროხები და ზამთრისათვის შემოინახეთ ყველი, კარაქი და ერბო!

ეს დოვლათი, ეს ხვავი და ბარაქა თქვენია!

ასეა ახლა.

კუნაბეტი ღამე იყო და საცალფეხო ბილიკიც კლდესა და ღრანტეშია დაკლაკნილი და ჩვენი ცხენებიც საათში სამი კილომეტრის სისწრაფით თუ მიდიან.

მაინც უშიშრად მივდივართ და ხმაშეუწყობლად მივიმღერით; ასეთ ღამეში ამ კლდესა და ღრანტეში წინათ უსუნთქველად ვერავინ გაბედავდა გავლას.

ჩვენ კი მივდივართ და თამამად მივიმღერით; ამ გზის გარშემო კოლმეურნეები მოსახლეობენ, ისინი ხშირად გვინათებენ გზას და სახლში გვეპატიუებიან.

თორმეტ საათისათვის მიუახლოვდით აგარის სასოფლო საბჭოს, შორიდანვე ისმოდა ხრიალი და არ დავიჯერებდი თვითონ რომ არ მენახა:


ორმოცდაათამდე აჭარელი კოლმეურნე ამ ღამით რადიოს უსმენდა.

ლაპარაკობდა მოსკოვი.

აგარელ კოლმეურნეებს ელაპარაკებოდა მოსკოვი და მერე რა გარკვეულად და მკაფიოდ ისმოდა ხმა—„ძლიერია ჩვენი სამშობლო და ძლიერზე ძლიერი მისი დამცველი ფორადის არმია“.

ჩვენი სოციალისტური სამშობლო, ჩვენი კარმიდამო დაცულია მტრისაგან, იყავით უშიშრად, ჯანიანად! ეს სუფთა ჰავა, მიწა და თქვენი გულლონე ქმნიან სიმდიდრეს და თქვენ არასოდეს შემოგაკლდებათ არც რძე და ყველი, სიმინდი და ხორბალი, არც ნწიფე და კანდაუმსკდარი ვაშლები; ახლა ცხოვრება საბჭოთა მთაში ფანჩატურია.

ისეთი ფანჩატური, რომელიც ხარობს ზამთარ და ზაფხულ და საამოდ შრიალებს სულ მთელი წელი დარსა და ავღარში.



ვ. ილიუშინი — აჭარული ლჯასი

ქართული საბავშვო ლიტერატურის
ქართული საბავშვო ლიტერატურის

პირველი დილა

(რეჟანიან „ილიქიანის მთები“.)

ადრიანი გაზაფხულის დილა ნელი-ნელ ნათდებოდა.

ოდნავე შრიანებდნენ ფიჭვისა და მაგნოლიის ხეები.

ქობულეთის ზღვის სანაპირო ცისავე ფერით ასცქეროდა ცას.

მესხეთის ქუჩაზე უკვე ერთმა ეტლმა მშრალ ჰაერში მტვერი აშალა. შემდეგ კი ურმები ამოძრავდნენ კრიკინა ბორბლებით.

ზღვის ტალღების ცემა გარკვევით ისმოდა.

ეს ზღვა აღვიძებდა დილას.

რაიკომის შენობასთან ორი შეკაზმული ცხენი იდგა. ცხენები ერთმანეთს კისრებით მიჰკროდნენ და დრო-და-დრო ცალ მხარეზე გადმოშლილ ფაფარს ერთმანეთს აფენდნენ.

რაიკომიდან გამოვიდნენ ორნი.

ერთი იყო ტანმსხვილი, წაბლისფერ-თმიანი და გაურკვეველი ფერის თვალებით. უბრალო ნაცრისფერ კოსტიუმში ჩაცმული. შარვლის ტოტები წინდებში ჰქონდა ჩატანებული.

მას ერქვა აბდულ. გვარად ხალვაში.

მეორე—მკვრივი, ჩახსმული ყმაწვილი, შავგვრემანი, ნახშირით შავ თმა-წარბით, ცოცხალი მოძრავი თვალებით და მუდამ საქმიანი გამომეტყველებით. ეს იყო რაიონის აგრონომი ჩეჩელაშვილი, რომელიც წელიწადზე მეტია ქობულეთში მუშაობდა.

აბდულმა ცხენს მოსართავეები გაუსინჯა, შემოუქირა. წამში ცხენს კბილებში ლავაში ჩაუგდო და ზედ მოახტა.

ცხენები ქობულეთიდან ნაბიჯით გამოვიდნენ.

თემშარას დაადგენ.

ერთი მხრიდან გადაჭიმული იყო აჭარის მთები; მეორე მხრიდან ზღვის ჰორიზონტი.

აქვე იწყებოდა დიდი თვალგაღუწვდენელი ქაობიანი ადგილე-



ბი, რომელსაც მოსახლეობა ისპანს უწოდებს და სადაც ხშირად დაღუპულა გლახაკის საქონელი.

ცხენებს მათრახი შემოჰკრეს.

ცხენები ოთხით წამოვიდნენ.

ცხენებს თვალები უსწრებდნენ, თვალებს კი ფიქრები.

აბღულ ხალვაში რაიკომის საორგანიზაციო განყოფილების გამგეა. დღეს სოფელ გვარაში სასოფლო კრებაა მოწვეული. აქარაში პირველი კოლმეურნეობა დღეს უნდა ჩამოყალიბდეს და ამიტომაც მასზე ფიქრები უსწრებენ ცხენების მუხლმავარ ნახტომებს.

მისი აზრები უფრო ფართო და გაშლილია, ვიდრე ის სივრცე, რომელიც ჰორიზონტამდე გადაშლილა.

ჩეჩელაშვილიც საკუთარ ფიქრებში ეხვევა.

რამდენი კილომეტრი ირბინა მისმა თვალმა,—სულ ქაობით დაფარული ადგილებია.

ფიქრობს: ეს რომ ამოშრეს და ზედ ჩაის პლანტაციები გავაშენოთ, რამდენად გაუმჯობესდება ქვეყნის მეურნეობა. ამ სიმინდის ყანების მაგივრად მანდარინის ბაღები რომ დაირგოს, როგორ გაძლიერდება ქვეყნის ეკონომიკა.

ცხენები მიჰქრიან—მიაჰენებენ ფიქრებს...

მიჰქრიან ფიქრები პირველ კოლექტივზე, ფიქრები აგრონომიული რუქის შეცვლაზე.

სადაც შორს კივის ორთქლმავალი.

ხეხილოვან ხეივანებში, მწვანე ფოთლებს შორის, იშლება კვამლის შავი, ჩამუქებული ბალიშები და ლიანდაგის ფოლადის ხახს მოაქვს გუგუნე.

მთის ფერდობზე, მთის ძირებში და გაშლილ ვაკე-ადგილებზე მოსჩანს პატარა, უშფოთველი სოფლები. შიგ კი სოფლებში ლელავს თითოეული გული ცალ-ცალკე და ყველა გული ერთად.

ღრომ გადასერა მანძილი.

დაოფლიანებული ცხენები სოფელ გვარაში შევიდნენ.

მზე მაშინ იდგა ცის შუაგულ.

ჰაერი გამშრალიყო. ბუღი ჩაწოლილიყო ქოხებს შორის. სიცხეს ვერ ანელებდა გაზაფხულის დარი.

სოფსაბჭოს ეზოში გლახობა გროვდებოდა. ისინი ვაცხოველებული კამათითა და ხმაურით მოდიოდნენ.

მათ შორის განსაკუთრებულ ყურადღებას იქცევდა ქიცილა,

რომელიც ყველაზე მეტს ლაპარაკობდა და ამავე დროს არც ერთი ჯგუფი არ იყო, რომ ზათ საუბარში არ ჩარეულიყო.

გლეხები კარგად იცნობდნენ ქიცილას. ქიცილა უყვარდა კიდევ მთელ სოფელს. ისინი ღიმილით შესცქეროდნენ ქიცილას უსაფუძვლო, მაგრამ სერიოზული ტონით ლაპარაკს.

ქიცილას ცოლიც ყავდა და შვილიც. ის ცოლშვილით ამყობდა კიდევ. უმიწაწყლო გლეხი იყო და თავს ირჩენდა დღიურ სამუშაოზე გასვლით.

ქიცილა მოუთმენლად ელოდა დღევანდელ დღეს და პირველი გამოიქცა კრებაზე.

თოხისა და კავის ხმარება კარგად იცოდა ქიცილამ, არც მუშაობა ეზარებოდა, მაგრამ ეს ერთი ცუდი თვისება ჰქონდა მას. ლაპარაკი უყვარდა ძალიან. ის ლაპარაკობდა ყოველთვის, სადაც არ უნდა ყოფილიყო. გინდ ყანაში, მუშაობის დროს, გინდ ჭამის დროს. ძილის წინ მისი ცოლი მთელს სახეზე საბანს გადაიფარებდა ხოლმე, როგორმე ქმრის მომბებზრებელ ლაპარაკისაგან თავი დაეხსნა და დაეძინა.

ერთხელ სოფელში ორ მომდურავ მეზობელს ერთმანეთში არიგებდნენ და სოფელი ასამართლებდა ერთსაც და მეორესაც. მაშინ ამ სოფლის კრებაზე ქიცილასაც უნდოდა სიტყვა ეთქვა, მაგრამ ისე დაამთავრეს კრება, რომ ქიცილას სიტყვის თქმის არც უფლება მისცეს და არც საშუალება. ამან იმდენად იმოქმედა ქიცილაზე, რომ იმავე ღამეს სიცხე მისცა და ავად გახდა. სამი დღე სიცხეში იწოდა და მგონი სიცხისაგან გამოწვეულ შიშუწყვეტელ ბოღვამ მოარჩინა.

ქიცილა დღესაც აპირებდა სოფლის კრებაზე გამოსვლას და მოუთმენლად ელოდა კრების გახსნას.

ჰუსეინ კვესეიშვილს ქალაღლის ფურცელი ეჭირა და გულმოდგინედ დასცქეროდა ზედ.

ამ დროს ჩოჩქოლი შენელდა.

ეზოში ცხენოსნები შემოვიდნენ, გაღმობტენ და ჰუსეინისკენ გაემართნენ.

—ენახოთ, ჰუსეინ, რამდენად გამართლდება შენი წინასწარი მუშაობა, —წაელაპარაკა ხალვაში.

—ღარიბი გლეხოვა მზადა მყავს, ამხანაგო ხალვაშო. საშუალოები მერყეობენ, მაგრამ მიინც ჩვენთან არიან.



—შეგროვილნი ბევრნი არიან! ძალიან მოწადინებულან.

—აქ კულაკებიც არიან მოსულნი. ბრძოლა მოგვიჩადება. შენი არ მათეჟრებს, შეჩვეული ხარ.

მაგიდაზე ბლაგვნიანი ზარი აჟღარუნდა. ჯცბად სიწყნარე ჩამოვარდა. ამ სიწყნარეში მთელი თავისი ტანით წამოიმართა წინ ჰუსეინ კვესეიშვილი, და ამ მოულოდნელმა სიწყნარემ ჰუსეინი თითქოს გაზარდა, აღამაღლა, გააძლიერა.

—ამხანაგებო!—თუჯის მძიმე ხმასავით გაისმა მისი სიტყვები, —სასოფლო კრებას გახსნილად ვაცხადებ. ამოვირჩიოთ თავმჯდომარე.

ჩამოვარდნილი სიჩუმე გასკრა ხმამ.

—ჰუსეინ კვესეიშვილი!..

—მემედალი ხაბაზი...

— აბდულ ხალვაში..

და შემდეგ სხვადასხვა ადგილიდან სამჯერ ზედიზედ გაისმა:

— ახმედ ტაგიძე...

— როგორ, კულაკი?!—აღელვებული ხმით წამოიძახა სულემან ნოლაიდეძმა. ის მოულოდნელად წამოვარდა წინ და კრებას გადახედა, თითქოს უნდოდა დაენახა ტაგიძის სახელის დამძახებელი. ხალვაში დასცქეროდა კრებას და ფიქრობდა:

„კლასიური მტერი შეტევას წინააღმდეგობებით ხვდება. კლასიურ მტერს არ სძინავს“.

— ხალვაში, ხალვაში!..—გაისმა კიდევ, და ხალვაშიც წინ წამოდგა.

გლეხობა იცნობს ხალვაშს.

ვიდრე ხალვაში რაიკომში სამუშაოდ გადავიდოდა, ის სოფლის საბჭოს თავმჯდომარედ მუშაობდა. ხალვაშს ენდობიან გლეხები. ხალვაშმა რამდენიმე წლის წინათ უმიწაწყლოებისათვის მიწები მიაცემინა. არც ახლა უმტყუნებს მათ.

წამოდგა ხალვაში.

— დღევანდელ დღეს ჩვენ ერთად-ერთ მიზანს ვისახავთ: სოფელი უნდა გარდიქმნეს ისე, რომ მშრომელს ჯაფა შეუქმნებულდეს, რომ მიწამ მეტი მოსავალი მოგვეცეს, რომ ყველანი შეერთებული შრომით ჰქმნიდენ საერთო დოვლათს. აი, ამ ფურცელზე მე ვკითხულობ ოცდაათობმეტი გლეხის გვარს, რომელთაც ხელი მოაწერეს კოლექტივის ჩამოყალიბებაზე. გაერთიანებული შრომა, რამდენადაც



ერთგულად და მოწყობილად იქნებით, იმდენად მალე განგამტკიცებთ, გაგადლიერებთ მთავრობა დაგეხმარებათ. თქვენი კოლექტივი მაგალითი იქნება მთელი აჭარისათვის. კოლექტივის გაძლიერება საშუალებას მოგვცემს შევებრძოლოთ კულაკობას და თანდათანობით ავლავმოთ იმ მიწაწყლიდან, რომელიც მას სხვისი შრომით ხელში აქვს მოგდებული.

—ჩვენში კულაკები არ არიან!.. ჯერ მთავრობას არ უთქვამს ეს! — ბრაზით წამოიძახა ერთმა. ის აქეთ-იქით იხედებოდა, გვერდზე მდგომთაგან დასტურს ელოდა.

მაგრამ...

— მაშ შენ ვინა ხარ?! — ტყვიასავით მიახალა ნოლაიდელმა. — ჩვენ შენს მიწებზე ფეხი ვერ დაგვიდგამს. შენს საბალახოს ჩვენი ძროხა ვერ სძოვს. შემედ ანანიძევ, მაშ შენ კულაკი არა ხარ?.. ამხელა საბალახოები ხელში რომ გაქვს მოგდებული?! მაშ ვინა ხარ შენ, ახმედ, ცხრა უღელი ხარკამეჩი რომ დაგიდის? აი, ჩვენ, ათი წელიწადია ერთი ძროხის ყიდვას ვნატრობთ, ვერ მოგვიხერხებია...

ჰუსეინი ნოლაიდელს აჩუმებდა.

შემდეგ წამოიწია წინ ზაფითი. მას წვერში ოდნავ თეთრი შეჰპაროდა, სახეზე ძარღვები გამოსჩენოდა.

— მართალია, კაი მარა?! — დაიწყო მან, — რომ ამბობთ გაერთიანდითო, რითი უნდა გავერთიანდეთ. ვინც თქვენ წაიკითხეთ არავის აფერი არ გააჩნია. მე ქოხში ნაჯახისა და ჯილღის მეტი არა დამრჩენია რა. ერთი ხარი მომიკვდა. ცალილა დამრჩა. ობოლი უღელი მიგდია შინ. რაცხა ფერათ ისეთი ხალხი უნდა შევიყვანოთ რომე, ან მუშა საქონელი ჰყავდეს ან სხვა რაიმე. აჰა ისთე რავა იქნება?.. — სთქვა ეს და უხერხული მოძრაობით უკან დაიხია, თითქოს სიტყვა დაუმთავრებელი დასტოვავო, თუმცა მისი ტუჩები კიდევ მოძრაობდნენ. დანარჩენიც, რაც სათქმელი ჰქონდა, გულში დაამთავრა.

ველარ მოითმინა ქიცილამ.

ყველა ლაპარაკობდა. ყველა თავის აზრს გამოსთქვამდა. თითქოს შეშურდა კიდევ ქიცილას სხვების ლაპარაკი და წინ წამოდგა. მისმა გამოჩენამ კრებაში ერთგვარი მხიარულება გამოიწვია.

— ქიცილას დავაცალოო, ქიცილას!..

— მაგი თუ აგვიხსნის, თვარა!

— მე, ამხანაგებო, ძალიან მომხრე ვარ კოლექტივისა. ვინ თქვა



ერთად ვერ ვიმუშავებთო? მე კახეთში ვყოფილვარ, მეგრელიაშიც ვიყავი... მე კოლექტივი მინახია, სადაც ოცდაათი კი არა, სამასი კაცია ერთად. ისთე მუშაობენ რო გაგებხარდება. თქვენ გავიწყდებათ, რომ მუშათა კლასს ასთე უნდა. არ იცით, რო რავარც მუშათა კლასს უნდა, ისთე გაკეთდება?.. თქვენ გგონიათ, ცუდია კოლექტივი? არაა ცუდი. დამიჯერეთ, რომ არაა ცუდი...—და ქიცულა ჩაუფიქრდა. მას უნდოდა რითიმე დაემტკიცებინა, რომ კოლექტივი არაა ცუდი და პატარა ფიქრის შემდეგ სახე გაუნათდა. ლაპარაკის ტონსაც მოუმატა. ასე განაგრძო:—აი, ავიღოთ სიტყვაზე კართოფილი... კაცმა თავდაპირველად კართოფილი რო დეინახა, თქვა: აგი მგლის ვაშლიაო და არ ეტანებოდა. ნერე, შენ ხარ ჩემი ბატონი, ერთმა რო მოხარშა, წუჟსვა მარილი და გემო ნახა, ქე მეეწონა, მერე მეორემ ქამა, მერე მესამემ და აწი თქვენ რო დაგიდგათ სავსე ქვაბი მოხარშული კართოფილი, ყველა დეესევეთ და ერწამას გააქრობთ, მარა სადაა კართოფილი? ასე, ამხანაგებო, მერე ქე გენდომებათ კოლექტივიც, მარა ვინ შეგიშობს შით.

—კართოფილი კი არა, ლობიე და სიმინდი გვინდა... —წამოიძახა ვილაცამ და ქიცულას სიტყვა შეაწყვეტინა. სიტყვის შეწყვეტასთან აზრიც შეუწყდა და დაიბნა კიდევც.

ქიცულა სტოვებდა თავის ადგილს და თანაც ბუტბუტებდა: —ლობიეც გექნებათ და სიმინდიც. კილო ქე მინდოდა ლაპარაკი, მარა საშველს არ იძლევიან.


და ქიცულა გაჩუმდა. ეხლა უკვე თავის თავს გონებაში ელაპარაკებოდა. „კარგია თუ არა კოლექტივი, და ექნება თუ არა კოლექტივს ლობიო და სიმინდი, თუ მართლა ისე იქნება, როგორც ზოგიერთები ლაპარაკობენ“. ისიც იქვმა შეიპყრო.

მოულოდნელად ღრმა სიჩუმე ჩამოვარდა.

ყველა სმენად გადაიქცა.

მაღალი, გაბიღული და რიხიანი სიტყვები აპობდენ ჰაერს.

—მე პირდაპირ ვიტყვი, რაც საოქმელი მაქვს. ბევრსა ბევრი რამე არ გესმით. როცა რამეს იწყებთ, გგონიათ, რომ ისთე ადვილად გაკეთდება, რავარც ითქმება. ხალვაშს რა ეწუხება? აქ ხალხს თავს მუჟყრის, მიუშვებს სახნავ-სათესზედ და თითონ წავა. ზოგს მარჯვენა არ უფარვა, ზოგს ხასიათი, ვინ იმუშავენს ისთე, რავარც კარგი მუშაკაცი? ვინ შეიწუხებს სხვებისაივის თავს? ისეთი უწყსობა მოგიხდებათ, რომე ერთმანეთს გადასქამთ.



ნაზიმ ხალვაში — „ფელსის ცყაოსნის“ ილუსტრაცია.

ყველა განცვიფრებით უცქერდა. რამდენჯერმე ზარიც აჟღერუნდა, ჰუსეინმა გადასძახა კიდეც, მაგრამ მოლაპარაკე მაინც ვერ შეაჩერა. ლაპარაკობდა ახმედ ტაგიძე. ის ზორბა მკლავს ჰაერში ატრიალებდა. ხან პაჭარა წვერზე ჩამოისვამდა, ხან დამუშტავდა, ხან თითებს ფართედ შლიდა.

ახმედი სოფელში ძველთაგანვე გავლენიანი პირი იყო. იმდენი საქონელი მთელს სოფელს არ ჰქონდა, რამდენიც მას. მამაპაპისაგან საშვილიშვილოდ გადმოცემულს (როგორც თვითონ უძახდა) საბალახოებს დღესაც მის ნებადაურთველად ვერავინ გამოიყენებდა. ერთ დროს სოფელში მისი სიტყვა კანონი იყო, მისი ნება-სურვილი ყველასათვის სავალდებულო. გლეხობა უსიტყვოდ უსმენდა და ახმედ ტაგიძე, ჯერ კიდევ შეურყეველი სიძლიერის გრძნობით, განაგრძობდა ლაპარაკს.

—აი, ხალვაშს მე პატივს ვცემ, ის, ვიცი, რომ სოფლისათვის ზრუნავს. თუ მთაერობას თქვენი დახმარება უნდებოდა, მოგცეო მიწები. —ტაგიძემ სიტყვა დაამთავრა. მის სიტყვას ბანი მისცეს ადგილებიდან და ყველანი ერთმანეთში ალაპარაკდნენ.

შიგა-და-შიგ, ამ ამღვრეული მასის კუნჭულებიდან გარკვეულად ისმოდა: „დავიშალნოთ, წავიდეთ“... კულაკებს სოფლის კრების დაშლა უნდოდათ. ეს შეატყეს ხალვაშმაც, ჰუსეინმაც, ნოლაიდელმაც.

მიხვდა მემედალიც მათ განზრახვას და სალაპარაკოდ გადმოდგა. მას ქერა უღვაშებზე ღიმილი ჰქონდა გადაკრული. ტკბილი, თბილი და ენერგიული ხმით სთქვა:

—ამხანაგებო, რა გალელვებთ, რა გაჩხუბებთ? კოლექტივს ვაარსებთ ლარიბი გლეხობისათვის, მათ შესაკავშირებლად, მათ განსამტკიცებლად... თქვენ რა გალელვებთ, ახმედ, მემედ, ან თქვენ, მამუდ... კოლექტივი გინდათ თუ არ გინდათ, როდის გეკითხებით? თქვენს დასანარცხებლად ვაწყობთ ამ კოლექტივს. უნდა შევანელოთ თქვენი თარეში. გეყოფათ სხვისი ოფლით ცხიკრება. ახლა ლარიბებმაც ნახონ, როგორია შეძლებული ცხოვრება, თქვენ კი გვარწმუნებთ, რომ გაერთიანებულად ვერ ვიმუშავებთო. რასაკვირველია, თქვენთან ვერც შევერთდებით და ვერც ვიმუშავებთ.

ზღაზვნით გამოვიდა წინ ერთი გლეხი. მას სახეზე ეტყობოდა, რომ კრების ღრინაციელი აკვირვებდა. აქამდე ჩუმად იდგა და მხოლოდ სმენად იყო გადაქცეული.

—ამხანაგებო ასთე რო აყვირდით, ამით საქმეს რას უშველით?



მე მოვედი—კოლექტივში შემოგვიერთდეთ მეთქი და თქვენ კი ვერ რიგდებით. ხუთი ჰექტარი მიწა მაქვს. ორი უღელი ხარი მყავს. ღარიბი არა ვარ, მაგრამ კოლექტივი ისეთი საქმეა, საშუალოსაც მოუხდება შიგ ყოფნა. ხალვაშზე ბევრი გამიგონია. ჰუსეინსაც ვიცნობ, მემედალისაც ყველა პატივს სცემს. სოფლისათვის ცუდი არაფერი არ დაუწყიათ. ყველაფერი ახალი საშიში კი არ არის, ძნელია. მოვაწყით. ვინც უარზეა, ის თავის გზით გაემართოს.

ეს არც ღარიბი იყო, არც შეძლებული. ის ლაპარაკის დროს შესცქეროდა ჰუსეინს, ხალვაშს, სულეიმანს, ოღონდ ტაგიძისა და ანანიძისათვის სახეში ვერ შეეხედა. თითქოს გაურბოდა მათ ქორისებურ ზვერვას.

მაგრამ ამის სიტყვამ ღრიანცელი ვერ დააცხრო.

რამდენიმე ღარიბი, უსიტყვოდ შესცქეროდა მღელვარე გლეხებს, მათ უკვირდათ, მათ სწყინდათ, სისხლი ყელში აწვებოდა კულაკების დანახვაზე.

სდუმდა მემედალი. ის შესცქეროდა ხალვაშს, თითქოს მისგან მოელოდა ამღვრეულ მორევის დაცხრომას.

სულეიმან ნოღაიდელი ჰუსეინთან მივარდა. ის უსიტყვოდ ეკითხებოდა: „როგორ მოვიქცეთ?“ მაგრამ ჰუსეინს პასუხის მიცემა არ შეეძლო. მას მხოლოდ ის სჯეროდა, რომ დღეს კოლექტივი უნდა ჩამოყალიბდეს, იცოდა ისიც, რომ კულაკები აუცილებლად გამოსვლას მოუწყობდნენ, კრების ჩაშლას შეეცდებოდნენ.

—ამხანაგებო,—უცბად იგრილა ხალვაშმა.

სიჩუმე ჩამოვარდა.

სიჩუმემ გამბედაობა შემატა ხალვაშს.

თვალი გადაავლო მიწყნარებულ ხალხს და იმავე სიძლიერით განავრძო:

—ღარიბებო! კლასიური მტრები თქვენს გვერდით სდგანან. კლასიური მტერი თქვენს გონებაში შექრილია. თქვენს აზრსა და გულს ეპოტინება. მათ უნდათ ძველებურად სისხლი გწოვონ, ძველებურად გიმსახურონ. უნდა შეებრძოლოთ მათ გამოსვლებს. სოციალიზმი მოვიდა თქვენთან, თქვენს ეზოში, სახლში, სადაცაა კერიასთან ჩამოჯდება და თქვენ კი მას გაურბიხართ. ვისაც არ უნდა, ის ზედმეტია ამ კრებაზე, მას შეუძლია წავიდეს.

ხალვაშისაგან სწორედ ამ სიტყვას მოელოდნენ ერთი სურვილით მოაზროვნე ღარიბი გლეხები. თითქოს მან მათ ძარღვებში გამამბ-



ნეგებელი, სისხლის ახალი და ძლიერი ნაკადი ჩაასხაო. ისინი ახმა-
ურდენ, აყვირდენ. ისინი გარკვევით მოითხოვდენ:

—გავყაროთ კულაკები... კულაკები წაივინდენ... ხელს გვიშლი-
ან, ხელს!..

ხალვაში სდუმდა. გასცქეროდა კულაკების საწინააღმდეგოდ
აღშფოთებულ ახალ ტალღას და სახეზე შეუქმნეველი ღიმილით
ელრდა უკანასკნელ ზედზეტ ადამიანის წასვლას.

მიდის ახმედ ტაგიძე.

ხალვაში ფიქრობს: „კულაკი“.

მიაბიჯებს მემედ ანანიძე: სულეიმანმა იცის, ესეც ტაგიძის სის-
ხლისაა.

მოსწყდა ადგილს რამიზი: ჰუსეინი ამბობს—„კულაკების დამ-
ქაში“.

მიიპარება შებანი.

მიდიან ჩაქურებში გამოწყობილნი.

მიდიან ისინი, ვისაც კერასთან მჭადიც დაუხვდება, ბრინჯიც,
შეჭამადიც. ვისაც გამოსახდელი აქვს კარაქი, ყველი, მოსაწველი
ჰყავს ძროხა, ვისაც დასაბინავებელი ჰყავს საქონელი, მიდიან და
მათ ზურგში მიჰყვება თვალაფდამსხველი ყიყინა.

უკვე საღამოა.

მთებზე და სოფელში ეშვება ბინდი და საზღაბოებიდან ბრუნ-
დება ხარი, ძროხა, ცხვარი. გაისმის კიდევ მათი ხმები: ბლავილის,
ძახილის, ზმუილის.

ხალვაში, ჰუსეინი, სულეიმანი და მათთან ერთად საერთო რუმე-
ნის კოლექტივი, რჩებიან აქ. მათ მტკიცედ სჯერათ, რომ ისინი,
ვინც ამ კრებას ჩამოსცილდენ, მათი მტრები არიან და რომ მომ-
ვალში უფრო ძლიერი ბრძოლები გადახდებათ მათთან.

კრებაზე დარჩა ოცდაათამდე გლეხი.

ეს იყო სოფლის ოცდაათი მოსახლე. მათ გვერდში ედგათ ცო-
ლები, ბავშვები.

—ამ განცხადებაზე სათანადო ორგანომ იმსჯელა. გადაწყვეტილია
მოიძებნოს ოცდაათი ჰექტარი მიწა, რომელიც საფუძვლად უნდა
დაედოს თქვენს კოლექტივს, — წარმოსთქვა ხალვაშმა.

ეს პატარა კოლექტივი შეჯგუფდა, ერთმანეთს გულლიად შე-
ხედეს, გულლიად დაელაპარაკენ.

— რომ გახატხული არ გავიცდეს, მიწა საჩქაროდ უნდა გა-



მოვნახით, — დაიწყო ხალვაშმა, — თქვენც უნდა შეუდგეთ თქვას. უნდა დაუპტკიცოთ სოფლის ღარიბთა მტრებს, თუ რას ნიშნავს ერთად მუშაობა.

— მიწის გამოძებნა მივანდოო ჰუსენი კვესეიშვილს, სულეიმან ნოლაიდელს და აგრონომს, — სთქვა გამარჯვებით აღფრთოვანებულმა მემედალიმ.

წინადადება მიიღეს. კრება კმაყოფილი დაიშალა. მიწის გამოძებნას შეუდგნენ.

* * *

1918 წლამდე აქ იყო სოფელი.

ამ სოფელს ერქვა რომანოვკა. სოფელი ატარებდა დღენაკლული მეფის გვარს და აქ მოსახლეობდა რუსის ყაზახობა.

ეს ის ყაზახობა იყო, რომლის იმედითაც რომანოვები სამასი წელი გრეხდნენ მათრახებს, აშენებდნენ საპურობილეებს, აგებდნენ სახრჩობელებს და აწიოკებდნენ რევოლუციონურად განწყობილ მოსახლეობას.

ამ რომანოვკას, ისევე როგორც უკანასკნელ რომანოვს, უბედური ბედი ეწია.

სწორედ იმ წელს, როდესაც თვალთ დაუბნელდა ყოფილ მეფეს, აილაგმა ეს სოფელიც.

ეს იყო 1918 წელი.

მენშევიკური ხელისუფლება მოუსვენრად გრძნობდა თავს. ის ებრძოდა თავის მეზობლებს, სუსტს, ძლიერს, მოძმეს, მოსიხლეს.

და 1918 წელს ოსმალეთი წამოვიდა ბათუმისაკენ. ამ კუთხის მოსახლეობასაც მოსწყინდა ომი. ისინი ხუთი წლის განმავლობაში ბათუმის ფორტებიდან ყნოსავდნენ ზარზახნების კვამლის სუნს და ზღვის იქით გრძნობდნენ შორეული ცეცხლის ალს.

შესძაგდათ ომი, სისხლის ღვრა, რადგან ეს ხელს უშლიდა თავისუფალ ცხოვრებას, რომელიც ასე ძლიერ უყვარს ყოველ აჭარელს.

მსოფლიო იმპერიალისტური ომი დამთავრდა; მენშევიკურმა მთავრობამ დაიწყო მშვიდობიანი მოსახლეობის აწიოკება.

შეშინებული სოფელი რომანოვკა აიყარა. მთელი სოფელი, როგორც ბოშური ქარავანი ისე დაიძრა.



მემედ ბაბუნოვლი — ციხისძობი.

გამოვიდნენ მაშინ შეზობელ სოფლების ძლიერნი და შეძლებულნი, გადაჰხედეს ამ დაცლილ მიდამოს და სთქვიეს:

—ეს ჩვენი მამაპაპეული მიწები იყო. ალლაჰმაც ასე ინება და უკან დაგვიბრუნა...

რადგან ალლაჰმა ასე ინება, ღარიბი, ლატაკი გლეხები, რომელთაც ერთი მტკაველი მიწაც არ გააჩნდათ, ღუმილით შეხვდნენ ასეთ განაჩენს.

ყველაზე მეტს ალლაჰით ატყუებდნენ მათ.

და დღეს ახმედ ტაგიძე, ან ჰემედ ანანიძე მწვენიელ გადაშლილ ადგილებს თავის საბალახოებს რომ ეძახიან, ანდა მანდარინის ბაღები რომ გაუშენებიათ, ყოფილი რომანოვკაა. ესენი არიან სოფლის ყველაზე ძლიერი „არწივები“, რომელთაც შესძლეს სახელმწიფო მიწის მისაკუთრება.

* * *

ამ განთიადზე ნასოფლარის ადგილებისკენ მიემართებიან მე-მედალი და სულეიმანი, მათ მიჰყვება აგრონომი ჩეჩელაშვილი და აგროტექნიკი, რომელნიც ათვალეირებენ და არჩევენ საკოლექტივო მიწას.

ფერდობზე ვაშლილია პირუტყვი. ისინი მოსჩანან წიჯლიად, თეთრად, ჭრველ ფერებად. თეთრ ბალიშებვით დაფანტულან ცხვრები და სძოვენ ბალახს.

—აქ ავაგებთ ბუდელს. აქ კოლექტივის კანტორას. აქ ახორს, — ამბობს მე-მედალი და უთითებს აგრონომს ამორჩეულ ადგილებზე.

—აქედან კიდევ ოცდაათი ჰექტარი გადავზომოთ, — განაგრძობს მე-მედალი და ორი გაბრწყინებული თვალი, როგორც ორი ჩაუქრობელი სხივი, გადააფინა ათეულ ჰექტარის მანძილზე.

აგრონომი და აგროტექნიკი შეუდგენ ზომებს. მიდიოდენ სულ წინ და თითოეულ ჰექტარს აღნიშნავდნენ ცალკე. მე-მედალი და სულეიმანი ეხმარებოდა მათ. გული სიხარულით ევსებოდათ, სახე უბრწყინავდათ, სიცილში და მხიარულობაში გაჰყავდათ დღე.

დღე იღვრებოდა მზიდან. მზე იღვრებოდა დღეში და დღე დინჯად ზურგს უბრუნებდა მზეს.

ჰაერში იდგა მწვანე ბალახის სალი სურნელება.

—სულეიმან, ამ მიწაზე ტრაქტორს რომ ავაგუგუნებთ, ზოგიც მაშინ ნახე, რა ამბავი ატეხოს ჩვენმა დღეშმანმა.

—ხუთმეტი ჰექტარია, ხუთმეტი!.. — მოისმა შორიდან ჩეჩელაშვილის ხმა. სულეიმანმა და მე-მედალიმ გაჰხედეს მას, შუა ველზე მდგარს. ის შორიდან მოსჩანდა მტკაველისოდენად. ორივენი აგრონომისაკენ გაემართნენ.

სწორედ ამ დროს უფრო შორს, ვიდრე ჩეჩელაშვილი იდგა, გამოჩნდა პატარა მოძრავი საგანი, რომელიც თანდათან იზრდებოდა.

სულ მალე გარკვევით გაისმა ხმაც, უფროდაუფრო გაიზარდა და ბოლოს ღრიალად გადაიქცა.



ჩეჩელაშვილმა და აგროტექნიკმა მეთექვსმეტე ჰექტარში გადასდგეს ნაბიჯი. სახეზე სიცხისაგან აღმური ასლიოდათ. გადაიხსნათ საყულო, შეეხსნათ ქამარი და მკლავებ-დაკაპიწებულნი ზომავდენ მიწას.

ყვირილმა ჯერ მათთან მიაღწია, მერე მემედალის და სულეიმანსაც შემოესმათ.

— ჩენს მამაპაპეულს არავის დავანებებ. აქ შრომობდენ ისინი, მეც აქ უნდა მოვკვდე! — ყვიროდა და მორბოდა.

ცოტა ხნის შემდეგ გამოჩნდა მეორეც, ისაც ისეთივე სიჩქარით მორბოდა.

მემედალიმ და სულეიმანმა ხმაზე იცნეს ვინც იყო. სწრაფი ნაბიჯით მიიბრინეს ჩეჩელაშვილთან.

გაცეცხლებული ახმედ ტავიძე მორბოდა ნაჯახით ხელში, მისი თვალები ნაპერწკლებს ჰყრიდენ, მისი ტუჩები ბრახს ანთხევდენ.

ის გაიძახოდა:

— ჩემს მიწას არავის დავანებებ!..

და ამ სიტყვებში გაისმოდა არა მარტო „ჩემი“, არამედ ბრახი და ღვარძლი იმ ძალისადმი, რომელიც ამ „ჩემს“ სპობდა.

მოახლოვდა მეორეს ხმაც.

ყვიროდა მემედ ანანიძე. ხელში მსხვილი ჯოხი ეჭირა.

— ვინ არის ჩვენს საბალახოზე რომ შემოვიდა? — გაჰკიოდა ისიც და დაგეშილივით მოვარდა.

ნაჯახის მოქნევას მემედალის ძლიერმა მკლავებმა ძალა დაუკარგა. მაჯა გადაუგრიხა. ნაჯახი ძირს დაადგებინა: ცივი ოფლი გადმოასხა ახმედს სახეზე. საფეთქლები აუთანაშდა. ტუჩები აუძაგდა. ვერც მოსულმა მემედმა მოიხმარა ჯოხი. ორივენი გაშეშდენ, დაუძლურდენ.

— ვილატის ზურგში თოფი იჭექებს... ვინც უკეთესია, ის მოკვდება, — ჩაილაპარაკა ახმედმა და თავის სახლ-კარისაკენ წავიდა.

— მიწას მაინც მოვზომავთ, კოლექტივის მაინც დავაარსებთ, — მათ გასაგონად ხმამალლა წარმოსთქვა მემედალიმ და ნაჯახიც და ჯოხიც ზურგში მიუჯდომიშავალს.

მიწის მოზომვა განაგრძეს.

ბინდისას, როდესაც მთიდან ნახირი ბრუნდებოდა, მეოცდაათე ჰექტარის ბოლოს უკვე ჩასმული იყო ხე, რომელზეც ეკრა ფიცარი და დიდი უსწორმასწორო ასოებით ეწერა: „კოლექტივის მიწა“.

ამ წარწერის პირდაპირ ახმედ ტავიძის და მემედ ანანიძის სახლკარი იდგა.



მედიკალიზაცია

ძვირფასი ჯილდო

სურიე გვიან დაბრუნდა პოლიკლინიკიდან.
დღეს ჩვეულებრივზე მეტი ავადმყოფი მიიღო.
მოიქანცა...

კინო-თეატრში ახალი სურათი მიდიოდა და იქ გამოიარა. ამ-
ხანაგებიც ეახლენ.

— მოხველი შვილო? — თვალების ფშვნიტით კითხა შვილს.

— არა. — ღიმილით უპასუხა სურიემ.

ემინესაც გაელიმა უაზრო შეკითხვის პასუხზე.

— არ გეშინია ამ ღამით რომ მარტო დადინხარ? —

— ვისი უნდა მეშინოდეს? — სურიე დედასთან მივიდა და ტახ-
ტზე ჩაპოჯდა.

ემინე ისე შედნიერი იყო ამ დროს, რომ მეტოქეც არ ეგულე-
ბოდა დედამიწის ზურგზე: თვალები გაიჟღერა, თავი გაისწორა ბა-
ლიშზე და შვილს შეხედა.

ღამაში ლოყები ოდნავ წამოწითლებოდა სურიეს. თვალები
ეშხით კიაფობდენ.

— ღამაშია — გაიფიქრა ემინემ — ვინმე კარგი კაცი უნდა გა-
მოუტრჩიო.

— ახლა ერთი კვირა კი გინდა შენ — გულუბრყვილო კილო-
თი უთხრა შვილს.

სურიემ გადაიკისკისა. დედას შუბლზე აკოცა. წამოდგა. სარ-
კესთან მივიდა და თმის სწორება დაიწყო.

— ერთი ბავშვიანი ქალი იყო შენთან. — ცოტახნის სიწუმის შემ-
დეგ უთხრა დედამ.

— ბავშვიანი!? — გაიკვირვა სურიემ.

— ჰო... ძალიან შეშეცოდა. თუ ცოცხალი გამყვა, დილით ად-
რე მოვალო... დილით თქვენთან ყოლია პოლიკლინიკაში — უთხრა
ემინემ.



სურიეს მოაგონდა ავადმყოფ ბავშვიანი ქალი.

ის ერთი წელია ექიმია. საბჭოთა ქვეყნის ახალი კადრი. უმაღლესი სასწავლებლის კარებს აქარიდან პირველად ოცამდე აქარელი გოგონა მიადგა. ეს ახალი ისტორიის ფურცელი იყო დედამიწის არსებობის განმავლობაში. იმ ოც გოგონაში ექიმობა მარტო სურიემ აირჩია. ვინ ინჟინერობა ირჩია, ვინ პედაგოგობა, ვინ კიდევ აგრონომობა.

წარჩინებულად დაამთავრა სურიემ სასწავლებელი.

* * *

სურიემ ტანზე გაიხადა და ჩაწვა.

„თუ ცოცხალი გამყვა დილამდე“ — მოაგონდა დედის ნათქვამი, ავადმყოფ ბავშვის დედის სიტყვები.

— ვინ იცის — იქნებ ახლა ეთხოვება შვილს? — გაიფიქრა და ტანში გააჟრჟოლა. —

სადღაც მამალმა იყივლა.

პირველი სრულდებოდა.

— რატომ არ გძინავს შვილო? — გაეხმაურა დედა.

— არ ვიცი...

დახუჭა თვალები დასაძინებლად.

თვალწინ მორჩილი ტანის ქალი დაუდგა ავადმყოფ ბავშვით.

„თუ გააწია დილამდე“ — კიდევ ჩასჩურჩულა ყურში ვილაცამ.

— მაშ რატომ გამოგზარდეს შენ? — მისცა გულმა შეკითხვა სურიეს — თუ თვითეული ავადმყოფის ტკივილს არ იგრძნობ.

— შენ ხომ გამოგზარდა საბჭოთა ხელისუფლებამ და გასწავლა რომ გასინჯო ავადმყოფი და არა მისი ჯიბე. რა უფლება მაქვს გულგრილად შეგხვდე მშრომელთა ტკივილებს? —

— კიდევ არ გძინავს შვილო? — კიდევ გაეხმაურა დედა, როცა შვილს მოუსვენრობა შეამჩნია.

— არა... და შემდეგ თითონ შეეკითხა დაუძინებლობის მიზეზი.

— მე რომ არ დამეძინოს — გასაკვირი არაა შვილო. მოვხუცდი. მოხუცს ძველი და ახალი აგონდება და შიგ ბოდილობს... საწყალი ის ქალიც მეცოდება...

სურიე მიხვდა, თუ ვისზე ლაპარაკობდა დედა.

— სად ცხოვრობს ნეტავ? იკითხა მან.

დედამ მოაგონა უცნობი ქალის მიერ ნათქვამი მისამართი.

სურიე წამოდგა და ტანზე ჩაცმა დაიწყო.

—რას შვები?—შეეკითხა დედა.

—უნდა წავიდე.

დედა მიხვდა სად აპირებდა წასვლას და არ დაუშალა. პირიქით, გაუხარდა კიდევ.

...სურიე მალე გაჩნდა ავადმყოფის კარებთან.

—ვინ არის?—მოისმა ხმა და კარებიც გაიღო. ნაცნობი ქალის სახე მოეგება სურიეს.

—მობრძანდით! —ძლივს მორახერხა ქალმა.

სურიე შევიდა. ოთახი სუფთად დალაგებული იყო. გარდა ქალისა და ბავშვისა არავინ იყო.

—მარტო ვცხოვრობთ. მამამ ექვსი თვის წინ მიატოვა ჩემი ბიჭიკო...

—როგორაა ბავშვი?—იკითხა სურიემ და ხელის ჩანთა მაგიდაზე დადო.

—მთელი დღეღამე ასე კვნესის და სწუხს,—უპასუხა ქალმა—ძუძუსაც აღარ სწოვს... სიცხეც მატულობს... იწვის... ცრემლებით აეცსო თვალები.

სურიემ ბავშვი დაბეჯითებით გასინჯა.. ფილტვები, გული სალი ჰქონდა... ბავშვი კვნესოდა. სახეზე აღმური ადიოდა. თვალებს ვერ ახელდა. ეგონა ბევრი რამ იცოდა... მაგრამ წარმოიდგინეთ, რომ ახლა არაფერი იცის.

მარჯვენა ყურთან ხელის შეხებისას ბავშვმა ცივი ხმით ისივლა... ხმა წაუვიდა... სურიემ მოაცილა ხელი. მიაგნო მიზეზს... მას არასოდეს არ გაუსინჯავს ყურის ტკივილით დაავადებული. სარკეზე ანარეკლი შუქი ყურში შეანათა... ღრუში სინათლე და წამოსიება შეამჩნია. მეორე ყურში ყველაფერი რიგზე იყო.

სინარულთ გული გაეხსნა.

—საშიში არაფერია—უთხრა მან ბავშვის დედას. ექიმის ასეთი სიტყვები მუდამ სინარულის მომგვრელია. სურიემ თავის ძმის ენვერის ავადმყოფობის დროს იგრძნო ეს სინარული... აქაც ისეთივე სინარული გადმოლაგდა.

ხელჩანთა სასწრაფოდ გახსნა... პატარა შუშით წამალი ამოიღო. ეს წამალი დედისათვის ჰქონდა წამოღებული (მოხუცი ყურებს იტკივებდა). გაეხარდა, რომ სწორედ ამ ავადმყოფობის საწინააღმდეგო წამალი აღმოაჩნდა.



რამოდენიმე წვეთი ჩაასხა ყურში.. ბავშვმა უკანასკნელი ძალა მოიკრიფა და იკივლა.. შემდეგ მოჭრილ ხესავით დაეცა.. თავი გადაკიდა და მისავეებული კენესა დაიწყო.

დედამ ძუძუ მიაწოდა, მაგრამ ბავშვმა არ მიიღო. კვნესა თანდათან შეანელა და თითქოს გათავდა.. თვალები დახუჭა და კვნესაც შეწყვიტა.. დედამ ყური დაადო გოლზე. ბავშვი სუნოქავდა. ეს სუნთქვა არ გავდა მწუხარე ადამიანის სუნთქვას.

—ჩაეძინა. —უთხრა სურიემ დედას.

ქალმა გაღიმებით შემოხედა.

—დაბრძანდი!

სურიე ჩამოჯდა.

—რამ მოგავლინათ ჩემდა მხსნელად? —შეეკითხა ქალი სურიეს.

— მოვალეობამ —უპასუხა სურიემ.

ქალებმა კარგა ხანს ილაპარაკეს.

ფანჯარაში სინათლის შუქი შემოიკრა... გათენებულიყო.

ბავშვმა შეიკვნესა ღონივრად... დედა მივიდა და ძუძუ მიაწოდა. პატარა თვალეზ გაუხეღელად მოეზა ძუძუს და ღონივრად მოქაჩა..

სურიე მივიდა და მაჯა გაუსინჯა.. სიცხე კლებულობდა.

—კარგად არის—ღიმილით უთხრა მან დედას. —სალამოს ისევ ვინახულებთ, ორ დღეში ყველაფერი გაივლის.

დედა წამოდგა. მაგიდის ყუთიდან რაღაც ამოიღო და სურიესთან მივიდა.

—თქვენნი შრომის ჯილდო ამით არ გადაიხდება, მაგრამ... თუმნიანი გაუწოდა სურიეს.

სურიეს თითქოს დაარტყეს. შეკრთა. სახეზე სიწითლე წამოაწვა.

—არა. არ მინდა. პარტიას, საბჭოთა ხელისუფლებას მე მაგისტერს არ განოუზრდივარ. მაგით ამ ბიჭიკოს სათამაშოები უყიდე —უთხრა და პაწიას თავზე გადაუსვა ხელი.

პატარამ ძუძუს მოაცილა პირი, სურიესაკენ გადააბრუნა თავი და ბავშვური კმაყოფილებით გაუღიმა.

—აი ჩემი ყველაზე ძვირფასი ჯილდო—სთქვა სურიემ და კმაყოფილი წამოვიდა სახლში.



ნადიმ ნიქარაძე — ქართლის ხეობა.



ჭეშმელ ნოღაიღელი

აჭარის ძველი ისტორიული ძეგლები

აჭარა არქეოლოგიური თვალსაზრისით მეტად საინტერესო უბანს წარმოადგენს.

ხალხთა მრავალ კულტურას მიუღწევია აჭარამდე და თავისი კვალი დაუტოვებია.

ახლახან აღმოჩენილი ძველი ქალაქის ნანგრევები ბეშუმთან ახლოს, რომელიც ვეებერთელა ფართობზეა მოფენილი, უთუოდ უძველესი ქალაქის ნანგრევებია. მისი გამოკვლევა ბევრ ახალს შეიტანს აჭარელთა წარსულ სინამდვილის შესწავლაში.

ციხისძირის ციხე მოხსენებულია უძველეს ბერძნულ და რომაულ წყაროებში. პროფ. ს. ყაუხჩიშვილის მიერ გამოცემულ „გეორგიკაში“ რამდენჯერმეა ნახსენები, როგორც მნიშვნელოვანი სიმაგრე კოლხეთის დასავლეთ საზღვარზე.

იგი ისტორიაში ცნობილია, როგორც ამას ისტორიკოსი პროკოპი კესარიელი გადმოგვცემს, უძველეს ქალაქ პეტრას ცენტრად.

თამარის ციხე ქართულ ზეპირ გადმოცემებში თამარ მეფის სახელთან არის დაკავშირებული. ამ ციხე-სიმაგრის ირგვლივ გაშენებული ყოფილა პატარა ქალაქი, შემოვლებული ქვის გალავნით და დაცული მრავალი ციხეებით.

ეს ქალაქი, როგორც ამას ზოგიერთი მეცნიერი ფიქრობს, დღევანდელი ბათუმის ერთგვარი წინაპარი უნდა ყოფილიყო.

გონიოს ციხე შედარებით ახალი დროის ციხე-სიმაგრეა. დარჩენილია ციხის კედლის ნანგრევები და სარკმლის ფრაგმენტები.

სხალთის ეკლესია შესანიშნავი ხუროთმოძღვრებითი ნაშთია, უძველესი დროის ნაგებობაა, შემკული იშვიათი ჩუქურთმებით, თაღოვანი ფანჯრებით და ფოთლოვანი კარნიშებით.

ქართული ხუროთმოძღვრების და არქიტექტურის ეს უაღრესად მნიშვნელოვანი ძეგლი მოხსენებული და ვრცლად აღწერილია



პროფ. თაყაიშვილის ნაპრომში—„არქეოლოგიური მოგზაურობა სამხრეთ საქართველოში“.

ვერნების ქვა—ქართული ორნამენტის იშვიათი ძეგლია. აღნიშნული ქვა ეკლესიის კარის თაღს უნდა წარმოადგენდეს, რომელზედაც ასოთმთავრული ასოებით ეკლესიის ამშენებლების ვინაობაა გადმოცემული.

ამ იშვიათი ძეგლის გადმოტანა აქარის სამხარეთმცოდნეო მუზეუმში აუცილებელია.

ხირხათის ციხე თავის დროზე, ალბად, უდიდეს სტრატეგულ ციხე-სიმაგრეს წარმოადგენდა. იგი გაშენებულია სხალთის ხეობის სათავეში მიუვალ ფრიალო კლდეზე, სარიჩაირის ახლოს. ხალხურ ზეპირ სიტყვიერებაში ამ ციხის აშენება თამარ მეფის სახელთან არის დაკავშირებული.

საერთოდ უნდა აღინიშნოს, რომ აქარაში არსებულ ისტორიულ ძეგლებს: ციხე-სიმაგრეები, ეკლესიები, ხიდეები და სხვა, ხალხი ყველას მე-12 საუკუნეს, თამარის დროს მიაწერს.

ხალხური თქმულება გადმოგვცემს: თამარს იმდენი ჯარი ჰყოლია, რომ აქარის წყლიდან გამწკრივებულან, ციხის საშენი მასალა ხელიდან ხელში გადაუციათ და ერთი დღის განმავლობაში აუშენებიათ ციხეო.

როგორც ხალხური თქმულები გადმოგვცემს, ხირხათის ციხეში თამარს უკანასკნელად უცხოვრია და იქ მოუწამლავს თითქოს თავი. ერთ-ერთ შახს თამარის ცოლად შერთვა განუზრახავს. თამარს უარი შეუთვლია. შახი დიდი ჯარით თამარის წინააღმდეგ წამოიშალა; ყველა ციხეები თამარს თურმე მაშინ აუშენებია.

როცა შახს ერთ ციხეში მიუგნია, იქიდან თამარს მეორე ციხისთვის შეუფარებია თავი და უკანასკნელად მისულა ხირხათის ციხეში და გაუმაგრებია ის. მისდგომია ციხეს შახი, მაგრამ ციხის აღება ვერაფრით ვერ მოუხერხებია. ბოლოს თამარის ამალიდან ერთი დედაკაცი მისულა შახთან და უთქვამს: „თუ დიდ საჩუქრებს მომცემთ, გავალბინებთ ციხესო“.

შახი დაპირებია.

მოუყვანიათ ათასამდე თეთრი თხა. ამ თხებისთვის რქებზე სანთლები დაუმაგრებიათ, ბნელ ღამეში აუთითათ სანთლები და ხირხათის ციხისკენ თხები ყოველმხრიდან გაურეკავეთ.

ეს რომ თამარს დაუნახავს, უთქვამს: ჩემი ჯარი მაგათ ვეღარ

გაუმკლავდებაო და შებრუნებულა ციხეში. თამარს გადაწყვეტილი ჰქონია, რომ შახს ცოცხალი არ ჩავარდნოდა ხელში; რადგან არსად წასავალი არ ჰქონდა, მიუღია საწამლავი და მოუკლავს თავი.

ციხიყელი—ასე უწოდებს ადგილობრივი ხალხი ამ ციხეს. ციხე გაშენებულია სოფელ ხიხაძირის ბოლოს, სადაც მდინარე ქოჩახი და კალოთა ერთმანეთს ერთვის. ისტორიულად მას ვარდის ციხე ეწოდება.

როგორც ჩანს, ეს ციხე ხირხათის ციხის ყელი ყოფილა და სათვალთვალა პუნქტს წარმოადგენდა.

ციხე დიაკონიძეებში გაშენებულია ფრიალო კლდეზე მუხნარში. მას აღმოსავლეთით მდ. უჩხუ ჩამოუდის, დასავლეთით გზა და დაბალი სერები აკრავს, ჩრდილოეთით—საყანე მიწებია, ხოლო სამხრეთით თვით სოფელი დიაკონიძეები აკრავს. ციხის ნანგრევებს ამჟამად უკავია დაახლოებით ასორმოცდაათი კვადრატული მეტრი. ციხის კედლები დღეობით არის ნაგები, ხოლო გარედან მსხვილი ქვების პერანგო აქვს შემოვლებული. ნაწილი ციხის კედლებისა ადგილობრივ მცხოვრებლებს ჩამოუწვრივიათ და საშენ მასალად გამოუყენებიათ.

ელიას ციხე და ჯიხანჯური (ქობულეთის რაიონი) უსათუოდ ძვირჯასი ისტორიული ძეგლებია, რომლებიც საჭიროებს შესწავლა-გამოკვლევას.

განა მარტო ესენი? კიდევ მრავალი ძეგლია აჭარაში აღუჩნე-სხველი. ისინი უსათუოდ საჭიროებენ შესწავლას.

დანდალოს უბოძო, მრუდე ხიდი, ხალხური გადმოცემის მიხედვით მეთორმეტე საუკუნეს დროინდელია; ის ხიდების შენების ხელოვნების საუკეთესო ნიმუშია, ნაშენი თავისებურად, გათლილი გრანიტის ქვებით და კირქვით.

მახუნცეთის ხიდის შესახებ იგივე შეიძლება ითქვას, რაც დანდალოს ხიდის შესახებ.

აჭარის ისტორიული ძეგლები უსათუოდ უნდა იქნას შესწავლილი.



ს ა რ ჩ ე ვ ი

	გვ.
გალაქტიონ ტაბიძე	5
ოცნება აჭარისწყალთან	5
სალამო ჩაის ქალებში	6
მუხამედ მეგრელიძე	7
რიყეთის კოლმეურნეებს	7
ალიო ადამია	8
ქარიშხალი	8
აჭარული პეიზაჟი	13
მამულდ ვარშანიძე	16
კოლმეურნეობაში	16
სურიე პაპუნაშვილი	17
აჭარის სოფელი	17
გრიგოლ ცეცხლაძე	18
ბათომში, ზღვასთან	18
გონიო	19
ახალ აჭარაში	22
ფატუჟუმე დადიანი	25
აიშე	25
ჩემი ქვეყანა	26
ასლან კაიკაციშვილი	27
საბჭოთა აჭარას	27
პ. რურუა	23
საბჭოთა აჭარა თხუთმეტი წლისაა	23
მთის ნიავებო	28
შალვა იოსელიანი	29
სტალინური თაობა	29
ფორთოხლების ქარავანი	30
გარიჟრაჟი	31
გაზაფხული	32
ნ. მანიძე	34
ახლა იმ ხევში ელსადგურია	34
ხასან ოქროპირიძე	38
შრომის სიხარული	38
პ. ლორია	39
მანდარინები	39
ა. თარიშვილი	44
შუჰედის ნოველები	44
ელ. პოლუმორდვინოვი	53
პირველი დილა (რომანიდან „ილიძეებენ მთები“)	53
მემედ გოგაძე	65
ძვირფასი ჯილდო	65
ჯემალ ნოლაიძელი	69
აჭარის ძველი ისტორიული ძეგლები	69



ფანი 5 მან.

მან

